

ADDITAMENTA AMPUTATIONUM
EX NOSOCOMIO CHIRURGICO DORPATENSI
PETITA.

DISSESSATIO INAUGURALIS

QUAM
CONSENSU ET AUCTORITATE
GRATIOSI MEDICORUM ORDINIS

IN
UNIVERSITATE LITERARUM CAESAREA
DORPATENSI

AD GRADUM
DOCTORIS MEDICINAE

RITE ADIPISCENDUM
LOCO CONSUETO PUBLICE DEFENDET

AUCTOR

Henricus Schneider.

DORPATI LIVONORUM,
TYPIS HENRICI LAAKMANNI.
MDCCCLIV.

PATRI OPTIMO

FERDINANDO AUG. SCHNEIDER,

VERBI DIVINI MINISTRO IN PAROCCHIA ST.
JOANNIS IN INSULA OSILIA

NEC NON

AVUNCULO CARISSIMO

GEORGIO KARSTENS, MED. D^{RI}.

MEDICO PRIMARIO IN SEMINARIO MILITARI REVALENSI

HAS STUDIORUM PRIMITIAS

PIO GRATUQUE ANIMO

OFFERT

AUCTOR.

D 17442

PROCEMIUM.

Examine rigoroso, quod vocatur, perfunctus quum a gratioso medicorum ordine veniam impetrasset, dissertationis inauguralis, quam doctoris medicinae gradum rite adepturus publice defenderem, conscribendae, rem, quam tractarem, ex chirurgia potissimum, cui artis medicæ disciplinae semper maximo cum amore studioque operari navaveram, diligere in animum induxi. Quo consilio adductus ut idoneam exarandæ commentationis materiam mihi proponeret, petiturus ad præceptorum summe venerandum professorem Dr. Adelmann me contul, qui vir doctissimus quum auctor mihi exstitisset, ut amputationum, quae ultimis his duodecim annis in nosocomio chirurgico nostræ litterarum universitatis factæ essent, conspectus statisticus contexerem, eo libentiore animo viri illustrissimi obsecutus sum consilio, quod maxime operativa chirurgiae pars, successus splendidissimos offerendo, tironem, ut quam diligentissime in ipsam incumbat, incitare atque perpellere solet.

Census statisticus, quippe qui majorem observationum multitudinem præbeant, cuivis doctrinæ, quæ, ut medica, experientia atque usu innatur, non possunt, quin exoptatissimi appearant; namque singulæ observations tali modo ad experientiae dignitatem attolluntur atque, quanti pretii sint, dijudicantur. Ad amputationes autem earumque eventus quod attinet, de iis quidem hoc respectu pauca videmus in medium prolatæ, plerisque id tantum agentibus, ut, qualem exitum ad aegrotorum vitam habuissent, exponeretur, omnium ceterarum, quæ efficiendæ essent, conclusionem nulla ratione habita. Omnium primus Phillips de amputationum, in diversis civitatibus factarum, eventibus fusius uberiorusque retulit. Mibi quae in promptu erat materia, ex qua hosce census statisticos concinnare conarer, sane nequaquam larga aut copiosa fuit, utpote quæ tantum ex quadraginta ferme casibus consistat, nonnullis etiam morborum historiis, quamvis opera data, non certius cognitis. Causa vero, qua factum sit, ut amputationum numerus tam exiguis cernatur, maxima ex parte in eo videtur querenda

esse, quod postremis his annis resectiones, tum in articulationibus, tum in ossium continuitate saepius cum tactissimo successu instituae, amputationibus magis magisque praecoptari coeptae sunt. Accedit, quod tempore recentiore ex articulatio, quae methodus multos per annos oblivione atque tenebris obruta jacebat, denuo in lucem fuit protracta.

Nun autem tam exiguis casuum numerus nobis potest statim faciat, in universum conclusiones deducendi, in incerto relinquatur. Saltem multis ex partibus, a quibus maiorem observationum multitudinem perlustrare licet, nunc propter casuum paucitatem aut nulla aut parum sufficientes rei contemplatio fieri potuerit. Prisquam tamen ad casum descriptionem transirem, diversas amputationis methodos, carumque et usum vulgarem et dignitatem breviter paucisque consideranda esse censui. Quia in retantum abest, ut materiam totam penitus perfractem, omnes, quotquot prolatae sunt, methodos enumerando, ut, arctioribus me continens limitibus, eas tantummodo amputandi rationes considerem, quae, quam in nostro nosocomio, si non semper, at plerunque certe in usum vocari soleant, cum iis, quas deinde subiuncturas sum, observationibus intimi quodam conjunctae sint connexa. Inde propositum habeo, amputationis methodum, a Lenoir commendatam, diligenter contemplari, ut quae non solum nova sit et de qua viis multa exposita fuerint, verum etiam omnibus, quae a methodo apta commodaque postulari queant, ut mea fert opinio, prorsus satisfaciat. Namque in animo mihi est, demonstrare, omnia ista opprobria, quae illi objici poterant methodo, cuius in locum ratio clarissimi Lenoir substituta est, ab hac ipsa longissime absesse.

Denique superest, ut officio et grato et honesto fungar praecessori honoratissimo professori Dr. Adelmann, qui summa, qua excellit, humanitate in incepto meo cum re tum consilio egregie me adjuverit, quique, licet ea, quae est, rerum conditione tempore egeat, tamen meum in usum multis horas converterit, nunc palam intimo animo gratias persolvendi quam plurimas.

CAPUT I.

In amputatione instituenda complurium rerum ratio est habenda, uti dolorum excitatorum, periculi illati, temporis spatii ad vulnus sanandum necessarii, trunci ossis obtegendi et trunci ad membrum artificiale gestandum opportunitatis. Quibus postulatis omnibus quum vix una amputandi methodo satisfieri possit, factum est, ut innumeram methodorum multitudinem prolatam videamus.

I. Incisio circularis simplex.

Methodus amputandi antiquissima, ejus jam Celsus auctor extitit, ea, qua ab illo proposita erat, forma hodie nonnisi perraro adhibetur. Quae operatio in usum vocari nequit, nisi ad membra, uno osse instructa, et quidem imprimit ad humerum amputandum; quo addit, quod etiam hisce in partibus nullus ejus usus est, nisi in hominibus macilentiis, cetero musculisque laxioribus praeditis.

Cujus methodi mutationes tales sunt probatae:

a) Rust et Langenbeck, ut incisio circularis fieret et duabus bus incurvis semicircularibus composita, suaserunt, sic difficultates, quibus operatio illa, quam commemoravimus, laborat, evitatur.

b) Dupuytren, pro diversa membra crassitie aut duabus aut compluribus incurvis circularibus ad os usque factis, que dum inservient, ceterum musculosque quam maxime retrahi jussit, vulneris formam conicam efficerre studuit, tali ratione os apte tectorius, id quod in methodo Celsiana saepe aut omnino non contigit aut postero tempore ossis trunco denudando vel per necrosin detrudendo ansam praebuit. Ceterum haec mutatio vel in femore maxime voluminoso in usum converti potest.

c) Bell, incisionem circularem exsecutus, musculos ab osse disjunxit, quod inde loco superiore serra abstulit. Musculos ab ossibus ope cultri cum in finem inventi disjunxit; cui cultro similis est, quem Dr. clarissimus Seiditz excogitavit. Quae methodus tamen multo minus digna est, quae praedictetur, quam duae, quarum mentionem intulimus, superiores, utpote qua semper nimium muscularum suppetat, neque cutis ulli modo ad vulnus oblegendum sufficiat.

II. Incisio circularis duplex.

In qua incisione id maxime spectamus, ut cutem loco inferiore perceremus, quam os atque musculos. Quae methodus simplicissima, a Petit prolat, illi maxime adhiberi potest membris, quae aequabili sint crassitie vel potius non subito ambitu accrescant. Itaque in humero toto, in triente antibrachii, femoris atque cruris inferiori magnae erit utilitatis, sed omnium creberrime haec operatio in inferiore antibrachii triente amputando institui solet. Attamen in crure ea altitudine amputando, qua sura initium capit, haec ratio vetita esse credatur, quoniam cutem incisione circulari priore sejunctam vix ultra suram ambitu suo longe crassiorum trahere licuerit.

Cujus methodi mutations haec sunt:

a) Louis, postquam cum eute etiam musculos superficiales dissecerit, meliorem torum adepturus, eandem, quam memoravimus, rationem secutus est.

b) Brueuninhausen cutem arcibus duobus convexis, qui ad membra partem anteriorem posticamque inter se jungentur, cutem dissecerit, in qua agendi ratione eum finem propositum habuit, ne cutis in conjungendo plicaretur. Quae methodus, quamquam non est, quod ei crimini vertatur, tamen re vera non incisio circularis, sed incisura bilobularis habenda fuerit.

c) Ad incisiones circulares duplices etiam incisura manicata (Manschettenschmitt), a Lenoir proposita, est referenda. De qua methodo quum in hac dissertatione, quemadmodum jam admonimus, paulo diligentius accuratiusque disserere nobis proposuerimus, jam de causis, unde originem suam traxerit, atque de modo, quo in usum vocanda sit, paulo copiosius exponere licet.

Ad annum usque 1814 crus, si quidem fieri potuit, semper supra malleolos amputare solebant, quae consuetudo praecipue inter medicos militares Francogallicos obtinebat. Quum autem tantummodo gralze applicarentur, truncus justo longior non modo nullam attulit utilitatem, sed etiam „queue de renard“ appellatus

fudibrio erat. Qua causa adducti multi ex militibus aetate provectionis invalidisque alteram sustinere maluerunt amputationem, infra genu suspiciendam. Verumtamen nostra aetate amputatio supramalleolaris rursus frequentius adhiberi coepit. Tempore progrediente enim quum pedes artificiales fabricandi ars maxime opera cl^e Miles et postea et Martin¹) ad tantam perfectionem adducta esset, methodus illa, quoniam gravissima ejus vita jam sublata erant, a viris celebrissimis Blandin, Tavign, Lenoir aliisque denuo in chirurgiae usum fuit inducta. Ceterum, quum multi aegrotorum propter noxias operationis sequelas mortem occumberent, alii gravissimis complicationibus longum per tempus in lectulo se continebant coacti, ne tunc quidem methodi illius eventus omnium votis satisfaciebant. Praecipue adversa, quae operationem sequebantur, phænomena in cutis gangraena purisque in suram infiltrationem constabantur.

Catis gangraena imprimis post incisionis circularis usum, multarius post incisuram lobularem ingruere solet. Causa enim, ex qua gangraena cutis in membro non tam voluminoso dependeat, quamquam in membris majori ambitu praeditis amputatione minus periculi inferri inter omnes constat, maxime in eo fuerit querendae, quod, quum partes superius positae majore sint volume, cutem, incisione peracta, non satis retrahere licet. Qua de causa, ut truncum eute obtegere posset, chirurgus saepe adductus est, ut loco superiore incisionem alteram directione parallela insti- tuaret, quia tamen re facile accidit, ut partes inferius sitae gangraena corriperentur. Incisura autem lobulari facta, cutis gangraena inde exorietur, quod muscleis subjectis non et ipsis ad lobum formandum utebantur, sed eutem ab illis disjungebant; quia ob causam, quum cutis a partibus ipsam nutrientibus in tela cellulosa positis separaretur, fieri non potuit, quin gangraena existeret. Quod incommodum ut praecaveret, Ravat^{on} suam incisuram bilobularis methodum excogitavit, quae tamen, quem propositum habet finem, non etiam melius operatione a Lenoir commendata assequi licuerit.

Altera autem sequela maxime noxia, puris in suram infiltrationem dico, non minus saepe observata fuit. Quae infiltratio, in telae cellulosae, musculos disjungentis, decursu exoriens, saepius in crure, quam in aliis membris, crebriusque post amputationem

1) Rapport sur une jambe artificielle imaginé par M. F. Martin, par Blandin à l'Academie royale de médecine, dans sa séance den 17. avril, Paris 1838. — Bourgery, traité complet de l'anatomie de l'homme comprenant la médecine opératoire. T. sixième, Pl. 83, Paris 1837.

supramalleolarem, quam amputatione in regionibus altioribus facta apparere solet. Cujus rei causa in anatomica partium carum dispositione innititur. Etenim totum crus duo nobis offert muscularum strata, inter se magna aponeurosis dirempta, spatio, quod inter aponeurosim illam musculosque interjectum est, tela cellulosa laxiore impletum, quo eadem inter singularum muscularum vel tendinum vaginae intrat. Hae igitur lacunae, tela cellulosa repletea, quum puri nullum opponant remisum, illud facilissime infiltrari potest. Quod incommodum quo melius videntur, puri liberum effluvium paratur per aliquot dies inter vulneris margines pannum unguento cerat, oblitum interponere consueverunt.

Lenoir autem, ut utrumque, quod commemoravimus, operationis illius incommodum averteret, incisionis circularis ante usitatae commutationem quandam suavit, quae, ut paucis describamus, talis est.

Chirurgus ab interna membra parte adstans cultello tenui, qualis inter ossa immitti solet, fere $\frac{1}{2}$ infra eum locum, quo ossa serra dissecare voluerit, incisionem circularem per cutem usque ad fasciam instittat, quo facto statim cultri apice alteram incisionem, quae ad perpendicularum in priorem directa $\frac{1}{2}$ pollicem longa sit ad secundum tibiae faciem internam prope ejus cristam decurrat necesse est, faciat. Inde altero vulneris margine post alterum prehensio, postquam telum cellulosam conjunctionemque cum fascia ac periosteum disjuxterit, duos lobos efformet, quos ad basim suam reflectat. Quos lobos, videndum est, ut quam crassissimos serves, neve ultra anteriorem cruris tristem producas, tantummodo a parte postica atque a lateribus pontes, quibus cutis cum partibus subjectis jungatur, persecando. Quodsi lacunias reflexeris, vulnus forma ovali praeditum est, quam culter in prima muscularum dissectione pro due sequatur. Quem in finem chirurgus cultri aciem ad externum tibiae marginem appositam usque ad ejusdem marginem interiore circumducat, formam, quam diximus, striete observando. Haec incisio praecepne ad totam crassitudinem strati muscularum superficialeum in posteriore cruris regione positi pertinet. Adjutor chirurgi hoc muscularum stratum cum cute obtegente sursum trahat; quae quidem partes si ad eandem sublatas fuerint altitudinem, qua est locus, ubi ossa serrae dissecare volueris, incisuram circularem per muscularum stratum inferius indeque solitam inter ossa incisionem facias. — Vasis deligatis, simulatque ossa ope serrae dissecta partesque molles protractae fuerint, fascia, quae vocatur, expulsiva applicata, incisurae verticalis margines ope suturae conjungendo vulnus in vulnus tale, quale in amputationibus fit,

commutetur, quod eo, quo par est, modo in formam fissurae perpendicularis concludatur. Truncus in parte externa paululumque declivis collocari jubetur. Antea setacenni in vulneris cavum immittitur, ut puri liberum effluvium pateat. Haec igitur operatione, qua contingit, ut muscularis, qui satis multi servant, superficies proclivis suppeditet. Lenoir prohiberi posse existimat, quominus cutis gangraena existat, simulque tum puris effluvium adjuvari, tum cicatricem ecclerim fieri truncoque optimam formam praebet judicat¹⁾.

III. Incisio monolobularis.

Quae incisura maxime membris muscularis, quibus duo ossa sunt, sed eadem membris, uno osse praeditis, iis in casibus adhibetur, in quibus incisio circularis in usum vocari nequerit. Sic, ut exemplo utar, hujus operationis tum maxime usus erit, quum partium mollium destructio ab altera parte altius, quam in altera, adscenderit. Praeterea eadem haec incisio frequentissime in digitis amputandis usurpatur. Methodus principialis incisionis monolobularis, per excisionem faciendae, quamquam a Verduni primo inventa, saepius tamen, quum Textor illa praeceteris usus sit ea in re commutarit, quod incisionem semicircularem paulo inferius eo loco, quo lobulus initium habetur, extendi praecepit, secundum hujus chirurgi nomen Textorianae appellari solet.

Hujus methodi tales instituta sunt commutations:

a) Lowdharn lobum a parte inferiore externaque ad superiore interiore versus per incisionem conformari jussit. Cujus exemplum maxime Löffler et Langenbeck secuti sunt. Quae ratio, quamquam majori implicita sit difficultate, id tamen commodi habere dicitur, quod et vulneris facies obliqua, nec convexa efficiatur, nec lobus nimia crassitudinis existat.

b) Louis et Garengot, praemissa primum incisione semicirculari, inde incisuram lobularem faciunt, quae methodus tamen, ut mea est opinio, tum solum digna videatur, quam sequamur, quum lobus primarium arteriae truncum continuerit.

c) Gracfe primum cutis lobum praeformandum esse censem, quo male magis retracto, muscularis profundius dissecare licet.

Ad lobis positionem quod attinet, ea quidem in re, quo meliorem torum efficere contingat, major muscularum massa maximus momenti est. Ceterum non desunt casus, in quibus chirurgo necessitas sit imposita, lobum ex parte minus muscularosa conformandi.

1) Archives générales de Médecine, Juillet 1840.

Praecipue in femore amputando haec obtinet regula, ut lobus ex parte exteriori repetatur, quoniam, alter si institueris, periculum est, ne, nervo ischiadicō diffiso, adversae suboriantur sequelae. Verumtamen hac quoque in re virorum doctorum sententias admodum inter se discrepare, vel inde intelligimus, quod, quam Bell lobum anteriorem formari suaderet, Jaeger exteriorem, Hey posteriorem efficiebant. Ceterum haec ultima ratio minime videtur commendanda esse, quod, illa adhibita, ne puri quidem liberum profluvium patet. In cruce amputando lobus plerumque ex sura formari solet, a qua tamen consuetudine Bell sibi discedendum esse putavit, lobum e parte exteriori, praesertim c. m. tibialis anticus, petendum esse ratus, ne forte vulneris secretum retincretur. In digitorum amputatione, per se intelligitur, si lobs efficiendus sit, quaestus atque negotiorum negoti rationem ducentiam esse, qua in re, si quidem aegrotus ad ordinem opera facientium pertinuerit, lobus ex facie volari, sin ad ordines ceteros, e facie contraria erit formandus.

Tempore recentissimo Sedillot¹⁾ adversus amputationem incisura circulari faciendam modumque, quo fascia tum necessaria plerumque applicari soleat, accrimis exortus est adversarius. Qui vir celeberrimus, illam methodum omnino rejiciendam esse arbitratu, commodissimam operationis rationem in eo consistere judicat, ut unus formetur lobs, duos tridentes circumferentiae membra a parte anteriori obtinens. Posteriorem partium mollium trientem incisione perpendiculari sejungendum, usque in loco magis minusve alto ope serrae dissecandum credit. Quem lobum inde propter suam ipsum gravitatem pondus vulnus obtegere idque, nulla fascia adjuvante, optime concludere affirmat. Idem pannum duplicum, duos pollices transverso latum, unguento digestivo imbutum, ossi imponi loboque subjici praecepit, canaliculum centrale, per quem fluidum e vulnere secretum effundatur, sic formaturus. Duabus autem acibus in sutura usitatibus lobi angulos inter sejungi atque sustentari suadet, usque dum intumescentia, inflammationis comes, exsistenterit, quo facto vulneris margines per primam intentionem coalituros esse sperari queat. Chelius tamen opprobria, quibus Sedillot fasciam post incisuram circularem applicandam oppugnavit, refellit atque refutat, ejus agerdi rationem maxime curam secundariam, qua utatur, reprehendendam esse ratus²⁾.

1) Sedillot, des moyens d'assurer la nécessité des amputations des membres. Strasbourg 1848.

2) Chelius, Handbuch der Chirurgie. Heidelberg 1853. Bd. II, p. 818.

IV. Incisio bilobularis.

Quae incisura, nisi forte aegrotus nimis debilitatus atque vulnerabilis fuerit, aut id egeris, ut, vulnre occluso, sanatio quam celerrime succedit, hisdem atque methodus modo descripta, casibus adhiberi potest. In membris, majore ambitu insignibus, veluti in superiori femoris triente, amputandis hac methodo fere carere non possumus; namque in singulis talium amputationum casibus raro tantae magnitudinis lobum conformare lieverit, quo solo truncus obtegi queat. Accedit, quod duorum loborum formatio tum admodum est exoplasta, quom propter multorum vasorum dilatationem sanguinis profluvium sola deligatione sisti non potuerit, quo quidem in casu, quum alter lobus ad sanguinis ex altero profusionem obstruendam plurimum valeat, haec methodus sane est aptissima. Ad situum loborum quod spectat, de eo quoque chirurgi inter se dissentiant, quorum alii duos laterales, alii alterum anticum, alterum posteriorem formandos esse judicant. Ceterum, me judice, vix possit dubitari, quin illa in re rationi priorum palma sit deferenda. Quin etiam fuerunt, qui tres lobos formari suadent, quod quidem consilium in supremo femoris triente auferendo, praesertim in exarticulationibus ibi instituendis, videtur sequendum esse. Methodus principalis, qualem Vermale proposuit, tempore posteriore nonnullas mutationes habuit.

a) Langenbeck hic quoque lobum utrumque a parte externa intorsum versus instituit. Huc etiam *methodus Brueunninghauseniana*, de qua supra mentionem injecimus, trahenda est.

b) Ravat in eo loco, quo lobi finem capiunt, incisione circulare duplii facta, postquam bis cultrum loco, quo os ope serrae dissecandum est, infixit, ceteroquin eandem, atque Vermale, rationem initit.

c) Schreiner et ipse incisionem circularem ad os usque pertinentem instituit, quo facto quum a latere sursum versus cultrum ducat, lobos justo crassiores efficit.

V. Incisio infundibuli formam referens.

Quae methodus, id quod ab ipsis natura et indole dependet, nisi in membris, uno osse instructis, in usum vocari nequit. Saepeissime in femore amputando, rarum idque a solis Klein et Graefe numero fuit adhibita. Auctore Alauson, cutis primum ope incisurae circularis sejuncta pollicis intervallo a museulis solvenda atque reflectenda est, quo facto culter, acie directione obliqua

sursum introrsumque conversa per muscularorum massam ductus uno tenore usque ad os penetrans circum hoc circumvolvit. Cujus incisionis initium tamen finisque nunquam inter se concurrunt.

Hujus methodi tales sunt permutationes:

a) Exemplari, quod huic incisioni propositum est, quo prius accederet, Grafe cultellum suum, quem vocant, folio similem inventit, cuius acies ita est comparata, ut parte inferiore recta, superiore perquam convexa cernatur. Attamen, si quis eo cultro uti voluerit, ei, quemadmodum Blasius testatur, maxima eximiaque opus est solertia atque exercitatione adjutoris. Adde, quod vulneris facies semper inaequabilis atque scissa appetat, neque non in quavis amputatione culter denticulatus scaberque exstittit, quae res impedimento est, ne hanc rationem in loco proclii adhibeatur.

b) Richter auctor exstitit, ut cultri recti apex directione obliqua sursum atque introrsus in membrum ad os usque intruderetur, qua eadem directione, spicie ab esse non discedente, cultrum circas membrum circumduci jubet. Ipse tamen vir doctus hanc rationem suam prope ad incisuram lobularem accedere adiicit.

c) Loco earum operationis methodorum, quibus id spectatur, ut vera infundibuli forma vulneri detur, aliae quoque, quae in adhibendo non tantis conjunctae sint difficultatibus, propositae sunt, quibus quidem et ipsis, ut similis incendo facies efformetur, contingit. Huc maxime incisura, a Desault inventa, pertinet, ad gradum scalarum similitudinem accedens, nec non incisio circularis quadruplica, a Richter ex cogitata, qui vir doctus tamen ipse suum methodum amputationi lobulari postponendam esse aperte consetetur.

Vere si aestimaveris, etiam incisionis circularis mutatio, a Du-puy tren prolata, hue referenda videtur, quae quidem cum eundem praebat eventum, merito atque optimo jure affirmare possumus, illa inventa, ceteris methodis modo commemoratis jam supersederi posse.

VI. Incisio ovularis.

Haec incisio, quae proprie solis destinata erat exarticulatio-ibus, a Scouetten in usum artis medicæ inducta est. Attamen postea Guthrie eadem in humero loco altiore amputando, nec non Malgaigne in femore usus est, qui vir clarissimum rationem, de qua dicimus, eo paululum commutavit, quod incisionem supra articulationem faciendam prius, quam alteram, suscipi jussit.

VII. Incisio obliqua.

Quae, testante Blasio inventore, præterquam in ossibus metacarpi et metatarsi amputandis, ubique facilmente adhiberi potest. Ceterum iis tantum in casibus haec ratio reliquis methodis præsteriter, in quibus lateris unius partes molles altius, quam in altero, desstructæ cernuntur.

CAPUT II.

Hoc in capite, primum in universum amputationes contemplatus inde singulorum membrorum, in quibus institui solent, rationem habendam esse arbitror, morborum historias, quae ad singulas amputationes pertinent, breviter allatis.

I. In universum amputatio consideratur.

In amputationum 43 numero aegroti 9 mortem oceubuerunt, qua de re rationem talem obtinemus $100:21\frac{1}{2}$. Similes sunt rationes de aliis nosocomiis proditae. B. Phillips, qui amputacionum eventus, quales in Francogallia, Germania, America, Angliaque repererat, collegit, mortuorum numerum cum amputationum multitudine tali continet ratione nos edocet: $23\frac{1}{2}:100^1$. Lavrie²) inter centenos, in quibus amputationes instituerunt, $36\frac{3}{5}$ obire vident, Malgaigne³ 59). Amputations in nosocomiis Germanici factae talem habuerunt eventum, ut amputationibus centenis factis $23\frac{3}{4}$ decederent⁴). In nosocomio chirurgico Heidelbergensi, quom ex casibus amputatum 202 vicies ter aegroti morerentur, haec erat ratio $100:11\frac{1}{3}$ ⁵). Quem successum sane laetissimum Chelius tum a cura secundaria apta atque accommodata, tum inde repetendum esse censem, quod fore sola amputatio circularis in usum conversa fuerit. — Ex quibus relationibus, in nostro nosocomio

1) B. Phillips, Observations arising on of the results of Amputations in different countries in Lond. medical gazette. Vol. XXII, pg. 457.

2) Schmidt's Jahrh. 1843, fasc. I.

3) Ibidem Jahrh. 1843, fasc. II.

4) Jäger, Handwörterb. d. Chirurg. Vol. I, pag. 180.

5) Chelius, Handb. d. Chir. Heidelberg, 1853 pg. 820 seq.

Dorpatensi rationem, quae mortuorum numero cum amputationibus intercedat, paulo faustiorum fuisse appareat, quam Phillips in comparatione sua uberrima invenerit, multoque etiam meliorem esse, quam in nosocomiis Loudinensis atque Parisinis, facile eluet. Ceterum statim ab initio ei occurrentum est opinio, qua fortasse quispiam existimaverit, hanc rationem faustum in eo esse repositam, quod nonnullas amputations in pedibus manibusque factas in illo numero retulerit; quas si exclussem, mortuorum numerus ferme idem fuisse cerneretur. At causa, unde haec ratio in universum sanc laetissimum videatur repetenda esse, in eo fuerit quaerenda, quod amputations illae non in nosocomio publico, sed litterarum universitatis sunt instituta, qua re multae res noxiae, perpetuac nosocomiorum comites, facilius evitari poterant.

De mortis causis si quis quaescerit, ea ter pyaemia, bis tetano, ter prostratione virium, segel tuberculosi allata fuit. Casus ille singularis, quo tetanus mortis ansam dedit, admodum erat desperatus ac periculosis, quippe in quo, combustione facta, jam antequam amputatio fieret, symptoma tetani non decessent. Itaque amputationis susceptae is propositus erat finis, ut prima causa nocens tolleretur, sive tamen successu exoptati perquam exigua. Ceterum ne forte, quae diximus, perperam intelligentur, disertis verbis adiiciendum esse arbitror, non tantum tetani causa in casu illo amputationem esse institutam, quam quidem Larrey et Zang tali rerum conditione tamquam ultimum refugium suaserunt, quamvis tum sola nervorum tetanum propagantium resectio jam sufficere credatur, sed etiam propter eam, quae aderat, laesiones naturam ad amputationem confugi placuisse. Aegroti tres, quos diximus, viribus prostratis, obisso, jam priusquam amputatio susceperebatur, tam erant debilitas, ut haec ipsa debilitas praeter alias causas amputationem snaderet. Quae quomodo ita sint, more amputando tantum paulo maturius illata esse videatur. Eadem tuberculosis ratio erat, quae quidem, operationis effectu exuscitata, celeriorem decursum init. Quos casus si ab universo mortuorum numero deduxeris, soli quatuor relinquuntur, in quibus ipsa amputatione mortem effectam esse statuere licet.

Omnes amputationes in duas easque permaginas classes rediguntur, quarum altera eos complectatur casus, in quibus amputatio ob *affectiones organicas*, altera, in quibus ob aliquam *laesionem* instituta fuerit. Nostro in nosocomio ut morbi organici tricies ter amputationis causam attulerunt, ex quibus casibus sexies mors est inscuta, ita novies laesio amputationem postulavit,

quorum aegrotorum tres extincti sunt. Unde patet, post amputationes, quae propter laesione aliquam instituantur, longe inclinationes esse ad mortem aegrotos. In eadem causa magnum nititur discrimen, quod pacis bellique temporibus inter mortuorum post amputationes numeros observatur. Neque tamen haec sola causa sufficiat, sed alia quoque momenta, velut nimis aegrotorum in nosocomiis multitudo atque gangraena, quae vocatur, nosocomialis, inde oriunda, vel maxime erunt respicienda.

Causa vero, qua eveniat, ut aegroti post amputationes propter laesione factas mortui longe frequentiores sint numero, in eodem videtur ponenda esse, quod laesio multum ad vim operationis traumaticam adaugendam valet, quodque magna sic animi depressione existit, ex qua sese recipiendi aegroti parum temporis concedatur. Accedit, quod amputationes persaepe in hominibus robustis validisque suscipiuntur, qui et majorem praebeant reactionem et ad inflammations consecutivas quam maxime proclives esse soleant. Blasius¹⁾ post amputationes propter morbos organicos institutas, praesertim si non id agatur, ut exemplo auxilium praestetur, mortes frequentiores esse contendit. Ex quibus vici docti verbis mihi elucere videbat, secundum ejus opinionem illam rationem in quovis casu pejorem cerni; id quod tamen cum observationibus aliis nullo modo congruit.

Amputatio si quando propter laesione necessaria videtur, maximi momenti est quaerere, *utrum statim post illatam laesionem, an reactionis symptomatis*, quae illam secuta sunt, *jam finitis in usum vocanda sit?* Eorum, qui sententiae posteriori addicti sunt, virorum doctorum dux atque princeps est Hunter. Ceterum etiamsi haec quiescio nondum satis explicata atque ad liquidum perducta est, tamen in universum affirmare licuerit, amputationem exemplo post laesione suscipienda a plerisque palmarum deferri; quam rationem aptiorem esse etiam secundum leges theoria petitias manifestum atque apertum videtur. Namque aegrotum, quo minus ejus valetudo damno accepto turbata fuerit, quoque propriis sit statu sano atque integro, eo facilius amputationis violentiam sustinere atque perferre posse, quis est, qui non perspiciat? Itaque in nostro quoque nosocomio amputationis primariae eventus aliquanto secundiores fuerunt, quam secundarie, quam ex aegrotis quatuor, in quibus statim amputatio suscepta fuit, ne unus quidem mortem occubuerit, eorum contra quinque, qui sero in nosocomio

1) Blasius, Handb. d. Akiurgie. Halle 1843, p. 844.

artis auxilium implorarunt, tres mortui sint. Qui eventus, ut et alii observationibus firmetur, admonere nunc liceat, ex tabula, qua Guthrie utriusque rationis successus inter se comparat atque contendit, luculentum apparere, casuum 351, in quibus amputatio secundaria facta sit, fere in parte dimidia, contra casum eorum 291, in quibus continuo in campo proelii amputatio peracta fuerit, tantum in viginti quattuor mortem esse subsecutam¹⁾.

Porro, si quis ex casibus observatis conclusiones efficeret voluerit, in utro sexu aut in ejus aetate hominibus prosperrime amputationes instituantur, ei observationum numerus perquam exiguis impedimento erit. Neque magis ob casuum paucitatem dijudicare licet, quemad vim diversa anni tempora ad amputationum exitum habeant. Ad primam questionem quod attinet, quanti momenti sexus ad amputationum successum habendus sit, Malgaigne in mulierei faustiore rationem observari testatur. Quo eodem auctore, homines ab anno aetatis 5 usque ad 15 optime, homines annos 60-65 nati minime amputationem sustinere valuerunt. Denique, ad anni tempora quod spectat, hieme atque aestate paucissimos, plurimos auctumno et vere post amputationes existentes esse perhibet²⁾.

Causae, quae amputations fieri jusserunt, tales erant:

caries	in casibus	12
ulcera neglecta	"	5
tumores maligni	"	5
tumores benigni	"	5
gangraena	"	8
combustio	"	1
fractura communativa	"	6
inflammationes articulorum	"	3

43

In libris, qui sunt de chirurgia, quamquam causae, quibus amputatio suscipi jubatur, certissime ac disertissimis verbis afferri solent, tamen, ut mea est opinio, hinc nulla usui artis medicæ practico utilitas redundat; neque dubito, quin multi jam aut palam dixerint aut salem senserint vera esse, quae Pirogoff in suis annalibus nosocomio chirurgici Dorpatensis Tom. II. his verbis profert: „Man amputire da, wo man ein deutliches Missverhältniss zwischen dem Grade des örtlichen Leidens und dem allgemeinen Zustande

der Kräfte findet. Die Mannigfaltigkeit der Fälle ist ja ungeheuer gross, und wenn wir auch genauere statistische Berichte über diesen Gegenstand besitzen werden, wird es immer noch nicht überall möglich sein, aus den Resultaten derselben auf einen individuellen Fall eine Anwendung zu machen.“

Gangraena utrum justa sit causa amputationis facienda, necne, multum inter viros eruditos est disputatum. Sic, ut exemplum afferat, Rust¹⁾, nunquam propter gangraenam amputationem suspiciendam ratus, hanc operationem tantummodo exsequendam esse censem, si aut aliae cause fortuitæ, veluti sanguinis prefluvia periculum minitianta, ad gangraenam accesserint, aut facies post partum gangraena affectarunt separationem relicta formam sit praedita, cicatricis formationi non idonea. E contrario Blasius²⁾, his utitur verbis: „Beim Brände und zwar beim stehenden ist die Amputation indiziert, wenn er durch die ganze Dicke eines Gliedes geht und die vollständige Trennung des Todten nicht, ohne das Leben durch den Säfteverlust zu gefährden, der Natur überlassen werden kann; beim fortschreitenden, wenn er gewiss von örtlichen Ursachen allein abhängig ist, diese aber durch die Amputation mit entfernt werden können, so bei Brand nach complicirten Fracturen, welche mit heftiger, örtlicher Reizung verbunden, bei Brand, der nach Unterbindung oder Verwundung des Hauptgefäßes eines Gliedes eintritt.“ Nobis in nosocomio Dorpatensi gangraenam e causis internis projectam observandi tum demum oblata est occasio, quum aut partes mortuæ jam ab integris intactisque disjungi cooperunt aut perfecta jam separatio extiterat, quibus in casibus amputationis, sine ullâ eunctione moraque suscepta, laetiissimus semper eventus fuit. Ceteram hoc loco admonendum est, *gangraeum sentim* tali rerum conditione excipiemad esse, quippe quae nonnullis casibus in pedum digiti inventa atque jam certis limitibus circumscripta post factam exarticulationem ulterius progressa fuerit mortisque causam attulerit. Gangraena si ex laesione, praesertim et fractura communativa, exorta erat, quales quidem casus nonnulli inciderunt, simulatque reactionis symptomata, laesione provocata, evanescere cooperunt, illico amputatione suscepta, nunquam tamen truncum gangraea asti observatum est.

Ad tumores cancerosos quod spectat, eos quidem Rust in numerum indicationum, amputationem jubentium, non refert. Verum-

1) Schmidt's Jahrbücher 1843 Vol. 2.

2) ibid. Vol. I.

1) Rust, Handbuch der Chirurgie. Vol. I, p. 541.

2) Blasius I. c.

temen, quum ad vitam aegroti produceundam illorum extirpatio suscipi soleat, multo meliore jure amputationis exitum prosperum fore expectare possumus, quum amputando omnes partes affectas melius auferre licet. Quia in re quamvis tantum sperare possimus in breve temporis spatium aegroti mortem dilatumiri, tamen vel haec exigua spes nos eo adducat, ut ad amputationem consurgamus. Nostro in nosocomio tribus aegrotis, qui tumoribus malignis laboraverunt, amputatio adhibita est, quorum unus virium prostratione consumptus fuit, duo reliqui, valetudine quantum videbatur, omnino restituta et nosocomio dimissi sunt. Quibus aegrotis quid postea acciderit, aut quoque facta amputatio ad exitum mali adversum differendum valuerit, sane, quum eos revisendi occasio defuerit, referre non possumus. Blasius certe casum quandam memoriae prodidit, quo quinto post amputationem anno morbus recidivus nondum ingenerit¹⁾.

2. Amputationes singulorum membrorum.

a) Amputatio femoris.

Eiusmodi amputationes septem sunt factae. Casuum, quibus necessaria videbatur, haec est descriptio:

1) Jurri Pusep, annos 22 natus, anno 1841 m. Octobris die 4 in nosocomio receptus fungo articuli genū laborabat, quod malum ante annos 6 ortum ex quibus maxime causis originem duxerit, incertum est, causis tamē dyscrasias & verisimilitudine valde abhorrentibus. Affectione jam late diffusa, articulationis fines tamē carie non correpti fuerunt. Aegroti valetudo universa perquam turbata erat, febris hecica nec non diarrhoea existiterant. Die m. Octbr. 18 semere in parte media secundum methodum cli. Dupuytren amputato vulneris margines in formam fissuræ perpendicularis conclusi sunt. A parte anteriore posticaque quum vulnus per primam intentionem consanuisse, decem dies circumactis, ligature amoveti potuerunt. Jam, vulnere brevi tempore coailito, aegrotus, sanitate perfecta restituta, die m. Decembr. 5 et nosocomio dimissus est.

2) Maddis Weinberg, annorum 20 juvenis, corporis constitutione debili habituque scrophuloso anno 1844 Kalendis Februariois in nosocomium acceptus ad extremitatem inferiorem sinistram tumorem ingentem, qui multum doloris ciebat, ostendit, qui tumor, inde ab inferiore patellæ marginie usque ad superiorem femoris trientem pertinens, totum membra ambitum circumdabat. Diagnosis, qua pri-

mum fungum haematoden adesse creditum erat, postea vera non fuisse cognita est, quum tumor degeneratio cavernosa esset, ex fractura orta. Die m. Februarii 8, quamquam re vera inciso circularis duplex apertissima videbatur, tamen, cum illa abstineretur, quoniam explorari non poterat, quoque partium mollium degeneratio extendenteretur, secundum methodum Petitianam amputatio in triente superiore est instituta. Primit post operationem diebus quamquam aegrotus optime se habuit, febri reactionis peregrina apparente, vulnerisque pars per primam intentionem coalitura videbatur, tamen, lobulis recedentibus, truncus ossis extabat. Qua de causa eti secundum praeciputum cli. Dupuytren linte carpta convoluta, acido sulphurico imbuta, in cavum medullare immissa sunt, tamen sensim ac paulatim symptomata periculosa augebantur, et viribus admodum collapsis petechiisque exortis, quum vulneris secretum discolore atque saniosum existisset, die Febr. 25 aegrotus mortem obiit. Sectione cadaveris facta, in pulmonibus loca quedam circumscripta degenerata apparuerunt, quas dissecta speciem abscessum secundariorum prae se tularent.

3) Jurri Kehrmann, annos 22 natus, corporis constitutione debili, anno 1846 die Januarii mensis undecimo in nosocomium receptus, quinque hebdomadibus ante typhus corperatus fuerat, quo factum erat, ut pes atque crus dextra grangaenosa cernerentur. Usque ad eam, qua ligamentum patellæ est, altitudinem, exceptis duobus lobis, complurim pollicum, ad faciem posticam internamque positis, qui lobī, superficiem integrum praebentes sulco nonnulla lineas profundo a partibus gangraenosis separati se juncte erant, omnes partes molles prorsus destructas esse apparuit. Quo casu quum, ut ita dicam, ipsa natura duos praeformasset lobos, die m. Jan. 22 lobis istis ab ossibus solutis, ossa proxime infra condylos ope serrae ablata sunt, loborumque margines, granulationibus amotis, sutura nodosa inter se juncti sunt. Arteriae jam obliteratae erant. Inde, pure in articulationem genū infiltrato febrique hecienem vehementissima exorta, die m. Fehr. 5 femoris amputatio secundum methodum a Petit propositam quinque digitos transversos supra articulum genus est suscepta. Quia in re etiam arteria cruralis obliterata cernebatur. Vulnera paulatim sanato, duo remanserunt fistulæ, quae quum denique arte clausæ essent, anulus osseus necroticus jam mobilis amoveti poterat. Mense Junio exennte, sanitate recuperata, aegrotus dimissus fuit.

4) Carolus Kont, annos 29 natus, habitu cachectico, fungo haematode et carie tibiae affectus die Decembri 9 anno 1846 in

1) Blasius I. c.

nosocomium acceptus est. Crus dextrum tumefactum triplo crassius, quam solet, apparuit, qui tumor fero ultra articulationem genū pertinebat. Viribus aegroti jam admodum exhaustis, die insequenti femoris amputatio in trientis inferioris initio incisione circulari simplici ad methodum cf. Rust et Langenbeck facta est. Quamquam major vulneris pars per primam intentionem coaluit, tamen, postea ductibus fistularibus efformatis, aegrotus denum mensis Martii die 19 sanatus dimitti potuit.

5) Alexander Arwig, annorum 9 puerulus, constitutione corporis debili, anno 1847 die m. Septembri 25 in nosocomium receptus, condylorum tibiae femorisque carie, quac post laesionem exsisterat, laborabat. Die m. Octobris 2, quum aegrotus, id quod tum primum in nostro nosocomio factum est, aethere sulphurico inhalato, sopitus esset, secundum rationem cf. Dupuytren femoris amputatio in triente inferiore instituta est, qua unus cauus $2\frac{1}{2}$ " profundus formatus est, qui ad ossis trunca tegendum sufficeret. Vulneris pars major quam per primam intentionem coisset, jam die Octobris 4 horripilatio ingruit, quam inde diversis intervallis et aliae sequabantur. Tum, viribus celerrime collapsis, aegrotus die Octobris 12 pyaemia, fortasse cum tuberculosi acuta conjuncta, extinctus est. Cadaveris sectio facta, trunci venae omnino integrum apparuerunt, nusquam ullo inflammationis purisque vestigio deprehensor. In arteria fibrini coagulum, 2 pollices longum, nec non in vena coagulum 3—4 lineas longum inerant. Os femoris autem fluido puri simili circumdatum erat cavumque medullare substantia quadam mollicula friabili impletum. In cavo thoracis exsudatum purulentum, in pulmonibus innumeris abscessus lobulatus inventa.

6) Jahn Hermelin, annos 26 natus, die m. Maii 19 anno 1850 in nosocomium receptus, in genu dextro vulnus in veteratum neglectumque ictu illatum obtulit, usque ad eavum articulationis penetrans, circum quod carum in partibus mollibus complures aderant abscessus. Valetudine aegroti universa jam valde confusa, febris hectica atque horripilationes, puris resorptionem indicantes, ingnernunt. Quibus rebus quum praesagium neutiquam faustum esset, die m. Maii 24 femoris amputatio in parte media secundum methodum cf. Petit facta est. Aegroti tamen die sexto post pyaemia extincto, cadaveris sectio venas in trunci vicinia inflammatas fluidoque sanioso repletas monstravit, in pulmonibus plurimis puris accumulationibus repertis.

7) Jahn Liwak, annorum 15, anno 1851 m. Aprilis die 5 in nosocomium recipitur, arthrophlogosi genū dextri, e causa traumatica exorta, laborans. Articulatio genū magnopere tumefacta complurim ductuum fistularum, qui usque in eavum articuli tendebant, aperturas ostendit. Aegrotantis habitus totum organismum penitus affectum esse significavit. Die m. Aprilis 25, tum primum chloroformyle in usum vocato, femoris in triente inferiore amputatio secundum methodum cf. Dupuytren facta est. Vulnus, exceptis illis locis, unde ligature propendebant, per primam intentionem consanuit mensuris Maji die 20 aegrotans, valetudine restituta, nosocomium reliquit.

Ex amputationibus septem, quas descripsimus, sex propter morbos organicos, una ob laesionem sunt institutae, quarum ultima eventum parum prosperum habuit. Omnino aegroti ter, iique omnes pyaemia extincti, intra dies 6—15 diem supremum obierunt. Ad methodos quod spectat, Petitiana ter, et bis quidem morte insucta, cli. Dupuytrea ratio ter, et semel quidem exitu funesto, semel incisio circularis simplex, auctoribus Rust et Langenbeck, in usum coaversae sunt. Uno tantum in casu amputatio femoris in triente supremo necessaria videbatur, in quo tamen propter causas, ex ipsa morbi historia satis perspicuas, amputatio lobularis erat praetoptanda. Ceterum casum tanta est paucitas, ut inde de singularem methodorum successu nihil certi concludi queat. Temporis spatium, post operationem peractam ad sanationem necessarium, in diversis methodis tale fuit. In quibus secundum methodum cf. Dupuytren amputatio instituta fuerat, diernum 28 et 45 spatio convaluerunt, sanatione vulneris plerumque per primam intentionem facta. Quae eadem ratio in amputatione ex praecipito cf. Rust et Langenbeck peracta observata est, quamquam aegroto ob ductus fistulares postea exortos centum denum diebus convalescente. Denique aegrotus, in quo cum successu ad methodum cf. Petit amputatio instituta est, intra dies 140 denum perfecte sanatus est, ductibus fistularibus perquam diuturnis efformatis, annuloque osse necrotico expulso. Quae quum ita sint, elucere videatur, cf. Dupuytren methodum maxime esse idoneam, quae vulnus officiat ad consanescendum per primam intentionem proclive, quae prima intentio, quum in amputationibus vel ob vasorum ligatures dependentes perfectam haec via sanationem fieri non posse facile perspiciat, non dicitur, nisi partialis. Quod vehementissime doleo, nusquam in uberioribus casum comparationibus de diversarum amputandi methodorum successu mentionem injectam esse vidi, quo sit, ut cognoscere nequie-

rim, quatenus conclusionibus, quas ex paucis illis observationibus repetivimus, fides adjungi queat.

b) *Amputatio humeri.*

Cujus observati sunt casus novem.

1) Michel Mutan, aetate media, anni 1843 semestri priore cura policlinica est tractatus. Cui quum rota molari humerus dexter discussus esset, die insequenti secundum *methodum cli Dupuytren* in triente superiore amputatus est. Vulnere duarum fere hebdomadum spatio coalito, aegrotus; valetudine restituta, e cura dismissus est.

2) Carolus Schuch, annorum 19 juvenis, specie florenti, anno 1846 m. Maji die 15 in nosocomium receptus, ante sex annos se primum ad externum antibrachii dextri marginem 3" infra condylum externum humeri tumorem duriusculum eadem, qua nux est, magnitudine praeditum animadvertisse narravit, qui tumor, paulatim adactus, eo tempore, quum in nosocomium venit, 1" infra condylum externum humeri initio capto, usque ad locum 2½" ab articulatione manus distante porrigebat. Ceterum, quum diagnosis tam incerta esset, extirpationem fieri placuit, qua istum tumorum carcinoma medullare esse, cognitum fuit. Verumtamen, quum tumore aperto aegroti status in pejus inclinatus esset, ut vita producereleatur, humeri in triente inferiore amputatio peracta est. In qua *methodo cli Petit* adhibita, quum vulnus per suppurationem tardissime sanaretur, aegrotus demum mense Septembri e nosocomio dimitti potuit. Anno 1847 mense Junio aegrotus fungo medullari pulmonum extinctus est.

3) Lena Olt, annos 14 nata, fractura comminutiva complicata ossium antibrachii et metacarpi laborans, anno 1846 m. Nov. die 26 in nosocomium accepta est. Septem horis post laesioneum rota molari illata circumspectus humerus, *methodo Petitione* in usum vocata, in parte media amputatur. Infimo tantum vulneris fundo per primam intentionem occluso, postea annulus osseus necroticus fuit detrusus, quo facto aegrota anno 1847 m. Januarii die 23 omnino sanata nosocomio excessit.

4) Stanislaus Sorol, annos 35 natus, corporis constitutione obesa, ob manus atque antibrachii combustionem, in epilepsiae accessione contractam, anno 1849 m. Junii die 9 in nosocomium receptus fuit. In quo omnes combustionis gradus persequi licuit, parte inferiore faciei dorsalis antibrachii ad os usque denudata, pars ceteri gradus deinceps alter alterum sequentes ad articulationem cubiti in inflammationem secundariam transibant, usque

ad medianam humeri partem se extendentem. Valetudo universa, quum laesio jam diebus 5 ante facta esset, perquam erat turbata, febri hectica majorem vehementiam assecuta. Inde, postquam jam amputationem humeri in triente inferiore ad *methodum Dupuytrenianum* suscipi visum est, paulo antequam institueretur, symptoma tetanica exstiterunt. Nihilosecius tamen amputatione, at ea tamen paulo altiore loco, peracta, quum symptomata tetanica, quamquam chloroformylo adhibito, valde adaugerentur, die subsequenti aegrotus mortem obiit. Cadaveris sectione facta, cerebrum magna sanguinis copia oppletum et tunicae medullae spinalis atque oblongatae injectae, magnumque inter tunicas illas exsudatum nec non 2" supra truncum neurilematis nervi mediani rubedo ecchymotica animadversa sunt.

5) Maria Trubs, annorum 35, specie cachectica, quae anno 1849 m. Octobris d. 8 in nosocomium accepta est, ulcerum canceroso, quod inde ab articulatione manus usque ad cubitum pertinebat, laborabat, glandulis quoque viciniis admodum tumefactis. Die m. Octobris 11 humeri amputatione secundum cli. *Dupuytren methodum* ad locum, que musculus deltoideus inseritur, facta, quum tridentis inferioris cutis degeneravisset, vulneris pars superior quidem per primam intentionem consunauit, at viribus tamen aegrotae celerrime deminutis, profusas diarrhoeas at respirandi difficultas exstiterunt, quo facto, mulier die m. Octobri 26 mala consumpta est. Sectione cadaveris facta, pulmones hyperaemia atque oedemate laborasse tractumque intestinalis affectione catarrhalis correptum esse comperum est. Glandularum lymphaticarum, quae infiltratae cernebantur, una in axilli posita jam emolliiri coepit erat.

6) Joannes Warres, annos 60 natus, specie cachectica anno 1849 m. Octobris d. 28 in nosocomium receptus fractura comminutiva combinata humeri et antibrachii laborabat, quae laesio illi pridie rotam molari fuerat illata. Humerus quattuor locis, radius quodam tridentis superioris loco, nec non condylus externus humeri fractus erat, ulna tamen adhuc integra. Partes molles multifariam contusae atque dilaceratae cernebantur, ad partem externam posticamque tridentis superioris humeri gangrena initium capiente. Die Octobris 29, aegroto ope chloroformyli consopito, qua in re, etiam si sensu adempto, animus ejus tamen sui compos manebat, humeri amputatio in triente supremo, proxime infra locum, quo m. deltoideus inseritur, *incisionis circularis simplicis*, quem Rust comutavit, usu instituta est. Vulnere per suppurationem sanato, m. Decembris die 12 aegrotus nosocomio excessit.

7) Lena Wehr, annos 18 nata, specie cachectica, lupo nisi affecta, die m. Februarii 27 anno 1851 in nosocomium est accepta. Lupo accessit, quod brachii dextri articulatio cubiti valde intumescerat. Quo loco postea abscessibus ductibusque fistularibus exortis, fines articulationis carie affecti sunt, qua de causa d. m. Aprilis 24 humerus in parte media secundum cli. *Dupuytren methodum* est amputatus. Vulnera per suppurationem coalito, die m. Junii 2 aegrota, traneo fere omnino sanato, fuit dimissa.

8) Guilielmus Ackel, annorum 9 puer, constitutione corporis debili, quam carie ulnae et processus ulcerani brachii sinistri laboraret, die m. Januarii 22 in nosocomium est acceptus. Cubiti articulatio angulo recto inflexa moveri non poterat, tumore circumdata, qui fere tres digitos transversos per humerum et tantumdem per antibrachium tendebat. In tumore complura carnebantur ulcerula fistulosa, saniem excrentia. Die m. Januarii 26 humeri amputatione parte media secundum *methodum cli.* *Dupuytren* facta, quamquam quinque diebus post vulnera per primam intentionem sanato, tamen, quod dolendum erat, paulatim cutis ossis trunca obtegens tenuior tenuiorque exstitit, quo factum est, ut brevi tempore partes molles dirumperentur. Itaque ossis trunco acido sulphurico contrectatus die m. Martii 15 annuli ad instar detrusus est, quo facto, quam vulnus extemplo coactusset, aegrotus m. Aprilis die 4, sanitate restituta, fuit dimissus.

9) Jahn Jacobberg, annorum 17 adolescens, die m. Martis 12 anni 1851 in nosocomium receptus, fractura complicata brachii dextri, quae ipsi rota molari illata erat, laboravit. Plures phalanges et ossa carpi, nec non radius fracta erant, ulna tamen atque os brachii, quamquam partes molles circumiectae multimodis contusae atque laceratae erant, integris relictis. Tota extremitas usque ad partem humeri midiam colore livido imbuta partimque etiam gangraena correpta erat. Quum ante febris exiguus esset, neque ulla apparerent phaenomena, quae periculum minarentur, extemplo humeri amputatio proxime infra locum, quo m. deltoideus inseritur, *incisione lobulari* adhibita loboque ex musculo bicipite formato, suscepta est. Postea lobi pars gangraenosus exstitit. Aegrotus omnino sanatus die m. Maii 15 nosocomium reliquit.

Ex quibus casibus novem quater ob affectiones organicas amputatio suscepta, cuius eventus semel letalis fuit, quinque propter laesiones facta fuit, semel morte inservita. Causa, quae mortem provocavit, in casu priore viribus exhaustis allata est, quamquam trunci parte jam per primam intentionem sanata. In altero casu,

quo ob combustionem amputatio instituta erat, tetanus mortem intulit, qui quidem ille est casus, quo, quemadmodum jam supra pag. 46 admonitus, tetano jam exerto, tamen amputatio suscepta est. Methodi in usum vocatae quinques Dupuytreniana, bis Petitiana, semel incisionis circularis simplicis mutatio, a Rust proposita, semel incisio monolobularis. Quae incisio monolobularis hoc uno in casu, lobo ex parte interna petitum musculique bicipitis et anconae partes continent, ideo incisioni circulare fuit praecoxa, quod partium molium laesio nimis sursum versus pertinebat atque ab una brachii parte minus conspicua carnebatur. Operationis eventus nullo modo exoptatus erat, lobi parte gangraena affecta atque sanatione multum temporis expostulante. Omnis, quod ad sanandi celeritatem attinet, etiam in humero amputando methodus cli. Dupuytren optimum successum habuit, sanatione, praeterquam uno in casu, per primam intentionem facta, trincoque in universo jam quatuor hebdomadum spatio perfecte cicatrice obducto. In casu, quem octavum propositum, nobis accidit, quod hae methodo adhibita semel tantum observandi occasio fuit, nempe ut, quamquam sanatione per primam intentionem jam coepita, annulus osseus necroticus detruderetur. Quia in re tamen respiciendum est, pueruli brachium admodum macilentum fuisse, ut torus non posset, quin tenuissimus exsisteret, neque resorptioni, ossis trunco urgente, resistere valeret. Ad quod accedit, ut aegrotus adversus quamque admonitionem trunco nunquam tranquillitatem concederet. Ceterum in amputationibus secundum alias methodos factis, quum nulla sanatio per primam intentionem exsistet, consentaneum est, aliquanto plus temporis ad sanescendum opus fuisse; id quod praecipe in amputationibus secundum methodum a Petit prolatam factis observatum est. Denique si mortuorum post humerum amputatum numerum contemplamur, apparet, pro rata parte longe majorem fuisse, quam post cruris amputaciones. Verumtamen Malgaigne contrariantem rationem assert, communisque omnium chirurgorum sententia cum illius iudicio congruit.

c) Amputatio cruris.

Quae in sedecim casibus instituta:

1) Joannes Vogler, annos 29 natus, die m. Augusti 5 anno 1841, quum per sex annorum spatium ulcere cruris, quod ab articulatione pedis initio capto usque ad medium surae partem extensem fuerat, laboravisset, in nosocomium fuit receptus. Ulcere in dolem necroticam prae se ferente, tibia fibulaque cariosae, ex

parte jam exfoliatae, hic illic denudatae cernebantur. Universa valetudine per quam turbata, aegrotus mäcer pallidusque febri hectica agitabatur. Die m. Augusti 14 crure secundum methodum *Lenovianam* in triente superiore amputato, quum vulnus per suppurationem consanesceret, vires aegroti adeo sunt refectae, ut semestris sequentis initio, sanitate recepta, e nosocomio dimitti posset.

2) Greta Blum, annos 36 nata, anno 1845 m. Octobris d. 22 in nosocomium recepta est. In crure pedeque sinistro magna intumescencia telaeque cellosae induratio apparuit, accedentibus innumeris fistularum aperturis, per quas speculo immisso usque ad tibiam fibulamque omnino fragiles ac ne minimum quidem, renissim opposentes pervenire licuit, unde eas carie ad veram osteospondiosum perdutas esse patebat. Tendinis Achillis atque musculorum, qui interno pedis lateri inseruntur, contractione pes varo-equinus exstiterat. Degeneratio usque ad locum 2^a a genü articulatione distantem pertinebat, ubi die m. Nov. 4 cruris amputatio secundum methodum *Textorianam* instituta fuit. Aegrotus die 29 m. Decembri sanata dimitti potuit.

3) Jurri Kuhlmann, annos 12 natus, habitu serophuloso, anno 1844 m. Maji die 9 in nosocomium acceptus, nonnullo tempore ante vehementissimo typho perfunctus erat, in cuius sequela curvis sinistri gangraena exstiterat. Quae gangraena usque ad superiorem curvis trientem porrecta in facie anteriore altius, quam in postica, pertinebat; in qua postica fere tribus pollicibus inferius desuit, musculi gastrocnemii, musculorumque subjacentium dimidio superiore non tacto. Inter partes integras affectasque fossa quedam, dimidium pollicem lata, formata erat, usque ad os denudatum extensa. Crus angulo recto inflexum parperum moveri poterat, qua de causa incipiens articulationis genü ankylosis adesse putabatur. Die m. Maji 12 curvis amputatione secundum methodum *Textorianam* suscepta, in qua omnes arterias obliteratas esse cognitum fuit, quum vulnus per suppurationem consanisset, aegrotus die m. Iulii 2, valetudine restituta, e nosocomio dimissus est.

4) Hans Koffer, annos 49 natus, qui anno 1845 m. Aprilis die 4 in nosocomium acceptus est, pedis curvisque dextri gangraena laborabat, quae, post typhum exorta, loco 2^a a malcolis distante finem cepit. Valetudo aegroti universa viresque satis integræ erant. Die m. Aprilis 24 crus in triente superiore secundum methodum *Textorianam* fuit ablatum. Ceterum, quamvis major cruris pars sanari posset, tamen, quum aegroti facultates tantæ non essent, ut pedem artificialē sibi fabricari juberet, nulla inde

ipsi utilitas esset allata. Vulnus per suppurationem quum sanisset, in eunte Augusto aegrotus dimitti potuit.

5) Vide casum amputationis femoris tertium.

6) Andreas Walther, annorum 25 adolescentis, constitutione corporis robusta, anno 1847 m. Nov. d. 6 in nosocomium acceptus, curvis dextri ulcere attonico telaeque cellosae subcutaneæ incrassatione atque degeneratione permagna, quæ usque ad primum trientem tendebat, laboravit. Adde, quod tendinus Achillis contractione pes equinus exstiterat. Causam mali verticimile erat traumatica fuisse, articulationis pedis contusione allata. Die m. Novembris 12, postquam aegrotus aetheris sulphurici inhalatione per 10 sexagesimas continuata omni sensu privatus est, quamquam pridie aetherisatio probatoria, in qua 3ij fuerant consumptae, nullum successum haberat, curvis in triente superiore amputatio secundum methodum *Textorianam* fuit instituta. Inde, vulnus ex parte per primam intentionem sanato, aegrotus die m. Februarii 19, valetudine restituta, nosocomio excessit.

7) Jacobus Oltmann, annos 21 natus, rubusta corporis constitutione, anno 1849 d. m. Januarii 22 in nosocomium fui receptus. Cui tignum in pedem delapsum, omnia tarsi ossa magis milvus discusserat. Quæ facto quum gangraena exstisset, et tanta cum celeritate longius serpsit, ut d. m. Februarii curvis in parte media amputationem secundum methodum *Textorianam* suscipi placeret. Deinde, quum media vulneris pars jam per primam intentionem consanisset, die Febr. 8 tetani symptomata ingreverunt, quae, magis magisque aucta, die 11 ejusdem mensis mortem intulere. Cadaveris sectio medullam spinalem in regione vertebrae colli sextæ, vertebræque pectoris septimæ omnino emollitam monstravit, ceterum in nervo tibiali venisque cruralibus ne minimum quidem inflammatiōis vestigio deprehenso. Magna partium mollium ideoque nervorum contusio atque distortio suspicionem movit, tetanum potius illa, quam amputatione postea instituta, esse provocatum.

8) Hans Sawil, annorum 25 adolescentis, habitu cachectico praeditus, quum utrinque curvis et antibrachii dextri elephaniasi laboraret, anno 1849 in Marti die 7 in nosocomium fuit acceptus. Præcipue crus sinistrum, cicatricibus, maculis, tuberculis, ulceribus ad os usque penetrans obsumbit erat. Quattuor pollicibus infra articulationem genū affectio morbida initium cepit. Amputationem curvis in triente superiore suscipi quum placuerit, *incisio obliqua*, cuius auctor Blasius est, quattuor pollicibus infra articulationem genū facta, idcirco methodo *Textorianam* est praelata, quod, quen-

admodum in morbi historia perhibetur, varias methodos adhiberi, discentium interest. Tantum interno vulneris angulo per primam intentionem coalito, aliquot diebus post totum vulnus patut, ossis finibus denudatis $\frac{1}{2}$ pollicem prominentibus. Inde, necrosis corupti, tricesimo post operationem die destruti sunt. Paulatim denique vulneris specie in melius mutata, extremo mense Mayo aegrotus nosocomium reliquit.

9) Maria Pachker, annos 18 nata, specie florida excellens, anno 1830 die m. Martii 25, crure dextro gangraena affecto, in nosocomium *cs* recepta. Quae gangraena, tempore convalescentiae ex febre nervosa orta, ad superiorem usque curvis trientem progressa; ibi terminata erat, ita ut ossa jam tota, et quidem facie anteriora usque ad tuberositatem tibiae, denudata cernerentur, facie postica plus partium mollium offerente. Die m. Martii 25 crure in tricente superiore secundum *methodum Textorianam*, quam adhiberi ipsa rerum conditio jussit, amputato, qua in re vasa obliterata esse apparebat, vulnus per suppurationem coit, quo facto aegrotus die m. Maij 5, sanitate recepta, nosocomio excessit.

10) Hans Türk, annos 25 natus, anno 1831 die m. Augusti 31 in nosocomium receptus, gangraena pedis dextri et pedis cruris sinistri laborabat. Dubius mensibus ante typho perfunctus erat, in cuius sequelis extremitatum inferiorum gangraena ingruerat. Aegrotus, praterquam quod valde macilens erat, ceteroquin valetudine universa satis commoda utebatur. Pedes detrusi erant, extremitatis dextrae gangraena circa articulationem pedis terminata, quo loco postea malleolorum resectio facta est. In cruce sinistro gangraena usque ad trientem superiore pertinebat, omnibus partibus molliculis destructis soloque osse nudo relicto. Hoc in casu, quum ipsa natura, gangraenae limitibus positis, incisionem faciendam quasi praefinivisi videbatur, *incisio obliqua Blasii lobulari Textorianae* fuit praecincta. Itaque die m. Septembris 5 amputatione facta, quae vasa jam obliterata esse docuit, vulnus, quum tardissime consanesceret, demum m. Martii die 14 anni sequentis perfecta cicatrice obductum erat.

Reliquos casus sex, quum morborum historias nancisci non contigerit, quales fuerint, certius describere non possum.

Ex casibus hisce quindecim ob morbos, unus ob laesionem cruris amputari postulaverunt, qui ultimus casus, tetano exerto, exitum habuit funestum. Omnino duo aegroti vita decesserunt. Secundum relationes clarissimi Lavrie¹⁾ cruris amputatio, quae in

nostro nosocomio omnium amputationum secundissimos eventus praechuit, minimum successum habebat, id quod tum a frequenti incisionis lobularis usu, tum a complurium horarum mora repetit, qua, antequam fascia applicetur, ut sanguinis prostuvia secundaria praecaveantur, utendum esse multi contendunt. Nos, qui et ipsi plerisque in casibus incisionem lobularem adhibuiimus, quamquam nostro in nosocomio mos ille fasciae applicationem plures horas differendi non obtinet, tamen rarissimis in casibus sanguinis profusiones secundarias, et eas perquam modicas, observavimus. Quas tamen, quum sine ulla difficultate sistere contingat, nunquam, ut in aliis relationibus factum videmus, inter mortis causas referri necesse erat. Eventus autem eximie prosperos, qui maxime cruris amputations seculi sunt, ex illa causa crediderim repetendos esse, quod semel tantummodo laesio amputationem fieri poposcit, qua praegressa, quemadmodum jam memoravimus, et in nostro nosocomio amputationum omnium exitus multo infaustiores erant. Praeterea autem silentio non est omittendum, sexies hanc operationem propter gangraenam post typhum exortam susceptam esse, quo quidem in casu aegroti operationis violentiam facilis sustinere posse videntur. Quae res vel eo potest explicari, quod, sicuti in omnibus, quos narravi, casibus cognitum est, vasa jam obliterata reperiuntur; quo fit, ut ipsa sensibilitas, qua talis reicta carnium massa est praedita, aliquanto appareat minor, quam in membro normali. Denique partis ablatae volumini non ea cum toto corpore ratio intercedit, quae volumini cruris adhuc nutriti, unde efficitur, ut etiam commutationes in sanguinis circulatione exortae non possint tantae esse, quantae post extremitatis non decurtatae amputationem. Quod autem ad truncum tali in casu cicatricem obducendum attinet, ad id quidem perlongum temporis spatium est necessarium.

De methodis adhibitis si quaeratur, novies Textriana, semel a Lenoir prolata, bis incisio obliqua, a Blasio proposita, semel incisio circularis Petitiana, semel incisio bilobularis in usum vocatae. Unde quamquam cruris in triente superiore amputationem frequentissime institutam esse cernimus, tamen hinc non erit colligendum, amputationem in triente inferiore faciendam in nostro nosocomio incommodam aut suspectam haberi, sed potius, quemadmodum morborum historiae docent, triens superior semper, nisi unico in casu, locus erat necessitatis. Quo uno in casu, quamvis amputatio supra malleolos fieri posset, tamen, quum aegrotus, ut qui pauper esset, caligam artificialiem sibi parare nequiret, illa amputandi ratio inutilis visa est. Incisio bilobularis uno in casu facta, in quo jam

1) Schmidt's Jahrb. 1843 fasc. 2.

ipsa natura, gangraenae limitibus constitutis, duos lobos velut praeformaverat, tamen, quum puris in articulationem genū infiltratio, febrisque hectica vehementissima femur auferri coegerint, eventus parum prosperi fuit. Methodus Textoriana, quae creberim in nostro nosocomio adhibita est, quum optimo successu fuerit, sane non videtur digna esse opprobriis, multis ipsis objectis, qui eam non solum puris in partes superiores infiltrationis hanc parum favere, verum etiam gangraenam lobii, qui quidem, si totum trunco obtegi volueris, justo longior formandus sit, vel maxime adjuvare contendunt. In nostro nosocomio semel in ejus amputationis sequelis puris infiltratio observata est, nunquam lobii gangraena. Pluribus in casibus sanatio partialis per primam intentionem facta est, in universum tamen ad vulnus sanandum quinquaginta diebus opus fuit. Omnim acerrimus adversarius Sedillot contra methodos ad hunc diem in cruris amputationibus usitatas coortus est¹⁾, ipse novam methodum suadens tum admodum complicatam, tum multum temporis sibi expostularem. Methodus Blasii, quae ad chirurgiam plasticam defecit, his in usum conversa, quum et sanatio per quam diurna esset et semel lobus tantopere retraheretur, ut ossis fines necrosi corriperent, eventum parum prosperum praebuit.

d) Amputatio antibrachii.

Quae uno tantum casu instituta est.

Adu Luisk, annos 30 natus, anno 1836 mensis Martii die 30 in nosocomium acceptus est. In quo, quum vulnus inferiori antibrachii triente ictu illatum neglexisset, quod vulnus, usque ad os penetrans, arteriam radialem deligari coegerat, osseum carpalium et metacarpalium finiumque articulationis radii ulnaeque caries extiterat. Die m. Aprilis 2 quum antibrachii in triente superiori amputatio secundum methodum cl^r Petit facta esset, vulnera per suppurationem sanato febrile reactionis modo exigua exorta, aegrotus Kalandis Majis, sanitate recepta, nosocomium reliquit.

Itaque hic etiam, pariter atque in aliorum artuum amputationibus jam vidimus, methodo Petitione adhibita, sanationem demum per secundam intentionem factam esse cognoscimus. Si id agitur, ut triens superior auferatur, plerumque incisioni monolobulari, quae quidem ipsa partium dispositione anatomica suaderi videtur, priores deferre consueverunt. Quia etiam Pirogoff²⁾ se in membris duabus ossibus instructis semper, idque optimo cum eventu, incisione

1) Annales de la chirurgie 1841 Nr. I.

2) Pirogoff I. c.

lobulari usum esse testatur. Qui vir celeberrimus, maxima methodi Langenbeckiana admiratione captus, negat quidquam pulchrius animo fingi posse, quam trunco post amputationem tales relictum. Praeterea in antibrachio etiam incisio bilobularis nonnquam adhibetur, at eam tamen, nisi necessitate imposita, si partes molles altius destructae fuerint, quam ut lobus unus satius magnus conformari queat, equidem nonnquam in usum convertendam esse duxerit, quia in facie posteriori partis superioris antibrachii torus idoneus deest.

e) Amputatio ossium metatarsorum.

Quae operatio bis est instituta:

1) Arminius Pucht, annos 26 natus, corporis constitutione robusta praeeditus, qui anno 1824 Kalendas Aprilibus in nosocomium receptus fuit, annis tribus ante ligno in pedem dolasco, partes molles hallum cingentes diffissas digitumque pedis alterum ab osse metatarsali omnino disjunctum, solum cutis particula cum eo cohaesisse narravit. Porro assulam ligni inter ossa metatarsalia secundum tertiumque penetravisse retulit. Brevi post casum adversum tempore, simplici cura adhibita, se consanuisse dixit, phalangibus tamen laesis, id quod per se intelligitur, se movendi facultate privatis. Nonnullis tamen mensibus ante id tempus, quo in nosocomium nostrum venit, abscessus sub ungue halli exstiterat, fluidum serosum excernens; qua in re hallo tumefacto et ulceris ortum est et tumor adactus usque ad articulationem genū perfunxit. Speculo facile usque in os descendere licuit. Diagnosi ita facta, ut osteospongiosis corticalis digitorum pedis adesse existimaretur, ut quam plurimum pedis aegroto servaretur, die m. Aprilis sexto ex precepto cl^r Velpeau omnium ossium metatarsorum amputatio est instituta, lobo plantari ope punctonis, lobo dorsali ope incisionis formato. Die sequenti vehemens ingruit febris, quae tamen quum brevi temporis spatio remisisset, vulnera per primam intentionem sanato, die mensis Maji 20 aegrotus, valetudine restituta, caliga artificiali instructus, e nosocomio excessit.

2) Tio Thomson, annos 23 nata, specie cachectica, die m. Maji 3 anno 1830 in nosocomium fuit recepta. Pedis dextri digiti in massam informem, exulceratam, permotatam erant, quae pro tumore sarcomatoso est habita. Aegrota valde debilis atque confecta tussi pectoralis doloribus vexabatur. Cura roborante per aliquod temporis spatium continuata, m. Maji die 20 omnia ossa metatarsalia secundum methodum Langenbeckianam incisione bilobulari amputata sunt. Aegrota, nonnullo ante mortem tempore

respirandi difficultate exorta, quam verisimile erat ex sola virium exhaustione profectam esse, diem supremum oblit, quo facto, cada- veris sectio omium partium anaemiam pulmonumque cum pleura costali concretionem ostendit.

Huc etiam tertius casus referendus est, in quo tamen qualis morbi historia fuerit, inventire non potui. In eo casu, quum pedis tumor fibrosus adesset, ossium metatarsi exarticulatio est facta, *methodo Garengeotiana* cum in modum communitata, ut, quo facilior redderetur operatio, simul pars ossis cuneiformis primi auferretur. *Aegrotus 8* hebdomadum spatio convaluit. Quam amputacionis cum exarticulatione conjunctionem longe aptiore esse, quam exarticulationem solam, vir doctissimus Adelmann demonstravit¹⁾.

Omnium ossium metatarsi amputatio, quum et gravius inferat vulnus et plus excitet doloris, quam exarticulatio, num omnino facienda sit, ea de re virorum doctorum sententiae parum congruunt. Ad incommoda enim, quae modo diximus, hoc quoque accedit, quod, quum ossa inter se aretissime conjuncta sint, neque carnem circum ea positam, nisi cum summa difficultate et parum perfecte, disjungere possint, hanc amputatio perquam est ardua atque impedita. Praeterea perdifficile est, partes molles a serra tulas praestare ossaque in serrando non ita facile figurant, ut articulationem ea cum carpo conjungentium firmatim damnum afferri possit. Ceterum rationibus hisce satis idoneis opponendum est, quod potissimum in pede utilitatis ejus futurae causa plurimi interest, ut ossium metatarsalium pars in trunco remaneat. Namque, ut maiorem pedis longitudinem omittam, etiam loca, quibus musculi peroneales tibialesque inseruntur, sic integra atque intacta reliquuntur. Quod quum ita sit, facile eo adducimur, ut eam amputationem in omnibus illis casibus diligendam esse putemus, in quibus partium durarum molliumque destructio nimis impedimento non fuerit. Quod commodum hac amputatione allatum evidenter ex illo caso appareat, quo aegrotus, caliga artificiali instructus, sine ullo impedimento incedere atque hebdomadibus quattuor post operationem elapsis et nosocomio dimitti potuit. Alterum, in quo eadem amputatio facta fuerat, dolendum est mortem obiisse. Ad methodum quod attinet, qua hoc in casu utendum sit, sola incisio lobularis probanda esse videatur, praesertim, si quidem per partes molles licuerit neque trunci longitudine sic minatur, incisio mono-

lobularis, lobo ex facie plantari formato. Namque incisio bilobularis vel eam ob causam postponenda videtur, quod cicatrix, quum in ossium trunca locum obtineat, facile ad varias res nocivas, veluti pulsum ictum, exposita est.

Unum os metatarsale bis est amputatum:

1) *Jaha Letz*, qui anno 1853 m. Aprilis die 30 in nosocomium receptus est, carie tubercula halli dextri et calcanei laborabat. Hallus tumore magno, in quo ductus fistularis inerat, circumdatus fuit, per quem ductus usque ad articulationem ossis a partibus molibus omnino sejunctam pervenire adeoque in eam intrare specille licuit. Universa aegroti valetudo satis commoda erat. Die m. Maji 8 incisione ovulari a Scotentten proposita subjunctaque inde serratura obliqua os metatarsi primum cst ablatum; que facto quum nulla vulneris per primam intentionem sanatio fieret, die Maji 25. vehementissimis affectionis cerebri symptomatis exortis, aegrotus die m. Maji 28 extinctus est. Cadaveris sectione facta, compertum est, pulmones tuberculis miliaribus obsitos esse, nec non peritonaei idem erat adipitus. In cerebello tubercula jam emolita, eadem, qua nux avellana est, magnitudine praedita inventa sunt, ventriculus lateribus fluidi semunciam continentibus.

2) *Helena Kienitz*, annos 71 nata, anno 1845, die m. Nov. 11 carie prioris phalaugis halli pedis sinistri laborans in nosocomium recepta est, quod malum ob neglectam lactionem exstiterat. Die m. Nov. 13 os metatarsi primum secundum *methodum Scoutettenianam* amputatum est, qua in re in lobo plantari formato incisio ita facta fuit, ut pars telae cellulosa cutisque degeneratae in lobo remaneret, ut scilicet, quod saepius experientia docuit, novo experimento probaretur, telas ejusmodi inflammatione degeneratas et exsudato repletas, tamen ad lobos efformandos posse adhiberi. Vulnus ex parte per pr. int. consanuit, sed postea ductibus fistularibus exortis sanitas denum m. Jan. 31 perfecte restituta est.

Methodus, quae in casibus modo memoratis in usum vocata est, quamquam re vera soli destinata est exarticulationi, licet Blasius eam amputationalibus adhiberi posse negat, tamen non solum saepissime optimo cum eventu est usurpata, sed etiam ossi metacarpali pollicis et metatarsali halli amputando jure apertissima censatur, utpote quae ad cinatricem, quac minime deformet, aut impedimento sit, efformandam valet.

f) Quod ad singula ossa metacarpi amputata attinet, ejusmodi casus quinque sunt observati, quos tamen diligentius describere supervacaneum esse existimo. Duobus in casibus amputatio propter

1) Beiträge zur Heilkunde, herausgegeben von der Gesellschaft pract. Aerzte zu Riga. 1853. Vol. II.

enchondroma instituta est, in ceteris ob laesiones. Os amputatum ter quartum, bis tertium erat. Amputatio in omnibus his casibus secundum methodum a Zang commendatam peracta est, quae quidem methodus id commodi assert, quod nulla restat deformitas. Operationis ad aegrotos vis in universum erat perexigua, sanatione dierum 10—20 spatio succedente. Manus, in qua operatio facta erat, semper, functione non turbata, ad solita hominum negotia tam bene adhiberi poterat, ut meliora sperari optarive requirent; quo accedit, quod manus forma longe meliorem praebet adspectum, quam digito ex osse suo metacarpali exarticulato. Unde patet, ossis metacarpi tertii quartique amputationem semper exarticulacioni respondentis esse praecoptandam, quod idem ad os metatarsi tertium quartumque referendum esse *judico*¹⁾.

g) *Digitorum manus et pedis amputatio.*

Ejusmodi operatio intra annorum duodecim spatium nostro in nosocomio semel est instituta. Qua ex re eluet, plerisque in casibus exarticulationem praepositam esse amputationem. Neque enim amputatio accommodata est, nisi duabus pollicis phalangibus et phalangi secundae digiti indicis, nec non phalangi primae digiti indicis et phalangi secundae digiti minimi. In ceteris phalangibus si amputationem feceris, truncus inutilis atque, quem ad manus palmarum versus attrahatur, etiam maximo impedimento fuerit.

Denique, historiarum morborum, quas supra enarravimus, ratione habita, pauca quedam de methodorum in diversis membris utilitate aut majore aut minore disserere licet. Quia in re facile est perspicere regulam, quae in omni easu sequenda sit, ponit non posse, quum, ut exemplo utar, in quibusdam casibus partium mollium destructio talem postulare queat methodum, quae, si alia rerum conditio esset, non foret commendanda.

In *supremo femoris triente*, si quidem vel paululum carnosum esse videris, incisio bilobularis omnibus reliquis methodis est praeponenda, quo quidem in easu si incisionem circularem adhibere volueris, ea jam longe inferius loco, quo os serrae dissecanendum est, incipiatu oportet, id quod per partes molles perraro licuerit. E contrario in ceteris femoris partibus amputandis, dubium non est, quin incisio circularis eaque duplex digna sit, cui primas defractus. Omnium autem optissima, quantum usus atque experientia in nostro nosocomio edocuit, methodus est a Dupuytren proposita,

1) Illust. medic. Zeitung, 1852.

et quae omnibus, quae ponere possis, postulatis vel maxime satisfaciat. Hac enim summa cum celeritate adhiberi potest; haec ossis truncum perfecte tegit, haec sanationem brevissimo tempore efficit, persaepe vulnera per primam intentionem coalesceant, haec denique truncum optimam formam praeditum relingnit. Certe methodus, a Petit prolata, in nostro nosocomio cum minore successu fuit usurpata, quippe qua et sanatio per longius tempus duraret et e sex casibus ter cutis adeo retraheretur, ut truncus necrosi corruptus detrudere retinetur.

In *cruris amputationibus*, in triente supremo faciendis, quantum quidem ex nostris relationibus eluet, methodus Textoriiana, qua lobus ex sura fieri jubetur, maxime visa est idonea. Crus si quando in parte media aut triente inferiore erat amputandum, operatio plerumque secundum methodum, a Petit inventam, fuit suscepta. Ceterum haec methodus, si quidem ratio a Lenoir proposita tempore postero spem, quam de ipsis utilitate concepimus, non destinatur, hinc priores cessura esse videatur.

De *humero* eadem sunt dicenda, quae de femore monimus. Humerus si quis loco altiore amputare voluerit, ei vis suadendum est, ut incisione circulari utatur. Qua de re Blasius tale judicium facit: „Weil durch die Durchschneidung der Ansatzpunkte die mm. longissimus dorsi, pect. major, deltoideus sich contrahiren, so ist im oberen Drittheil der Lappenschnitt vorzuziehen, wenn der Lappen aus der vorderen oder äusseren Seite genommen werden kann.“ In ceteris autem humeri partibus amputandis, ambigui nequit, incisionem circularem duplice ceteris methodis esse anteponendam. In nostro nosocomio saepissime eum in finem ratio, a Dupuytren prolata, in usum conversa fuit.

Antibrachii amputatio in nosocomio nostro semel tantummodo instituta est; in qua quidem quum fere eadem reparator rationes anatomicae, quae in cruce obtinent, eadem videatur constitui posse regula, quam de cruris amputationibus possumus. Etenim in triente superiore, in qua maior adest muscularum massa, eaque in una parte sita, incisio monolobularis suadenda est; dum in triente inferiore, nisi forte pariter atque in cruce amputando, ratio a Lenoir prolata ceteras omnes vicirit, id quod decernere posteri est temporis, adhuc methodus cli. Petit praeципuum commendationem habet. Quae modo exposuimus, eis sententiae a viro illustrissimo Pirogoff explicatae satis congruant, qui in suis nosocomi chirurgici Dorpatensi annalibus de methodis diligendis haec ait: „Was die Methode anbetrifft, nach welcher ich die Amputationen verrichte, so mache ich, weil mein erster Grundsatz dabei ist, die prima intentio der

Wunde möglichst zu begünstigen, "am Oberschenkel und Oberarm den Cirkelschnitt, am Vorderarm und Unterschenkel den Lappenschnitt, bis jetzt habe ich noch keinen Grund, die Anwendung dieser Methode zu bereuen."

In ossibus metacarpi et metatarsi amputandis, consentaneum est, incisionem lobularem in usum vocari, plerumque duobus lobis, quoniam unum, ejus magnitudo sufficiat, conformare raro contingit, omnino necessaris apparentibus. Ceterum, quandocumque fieri lieuerit, unus lobi plantaris formationem praferendam esse, ex causis supra expositis eluet.

Digitos manus pedis si amputare volueris, id quod in nostro nosocomio perraro factum esse vidimus, quem exarticulatio praestare crederet, incisio monolobularis, labo, prout aegroti negotia quaestusque expostulaverint, aut ex facie dorsali aut volari petitio, ceteris rationibus longe anteferenda esse putetur. Melius autem visum est, tali in casu exarticulationem fieri, quoniam et celerius eam exsequi licet et sanatio, si non brevior, certe eodem tempore efficitur, nec major aegroti laesio infertur.

CAPUT III.

De cruris supra malleolos amputatione, praesertim de methodo cli. Lenoir hoc loco utenda.

Si nobis duas amputandi methodi in examen vocandae sunt, ut judicium fiat, utri palmam deferamus, complurium rerum ducenda est ratio: a) periculi, quod operatio vel per se vel sequulis suis aegroti vitae afferat, b) doloris, qui moveatur, c) temporis spati ad vulnus sanandum necessarii, d) facilitatis, qua utraque methodo uti licet, e) trunci formae, que membro artificiali in posterum gestando quam apissimi fiat.

Velpeau¹⁾ se observationibus suis cognovisse ait, amputationem supramalleolarem vitam aegroti minus in periculum vocare, quam amputationem loco superiore factam. Simile est judicium, quod Tavignot²⁾ de hac operatione facit, eam in omnibus casibus, in quibus supra malleolos suscipi potuerit, amputationi alii locis

faciande longe multumque praestare contendens, quod aliquanto minore vitae periculo sit conjuncta. Attamen alia est clarissimi Larrey³⁾ sententia, qui operatione illa multos eosque periculosos affectus provocari affirmat. Ceterum quem verisimile sit, virum doctum de gangraena cutis purisque in suram infiltrationem dicere, hi quidem affectus, praesertim quos posteriores memoravimus, non in sola amputatione supramalleolari, sed etiam amputatione proxime genu facta ingrunt, quo quidem in casu quem propter articulationis genus viciniam multo graviores sunt. tum saepe, ut fenum amputetur, cogunt. Denique Larrey sub iudicio sui finem amputationis infra genu faciende praestantiam quinquaginta annorum usu atque experientia probatam esse dicit. At haec tamen experientia, quem fere nullae amputationes supramalleolares suscepit, controversias de alterius methodi excellentia dirimere non potest. Jam ab antiquissimis inde temporibus, quo longius a corde membrum aliiquid auferretur, eo minus periculi importari sibi persuassissimum habebant. Ceterum quis est, quin intelligat, partium dispositionem anatomiam maximis momenti esse? Sic, ut exemplo utar, in ea sum sententia, ut omnium ossium tarsi et metatarsi amputationem longe periculosorem esse judicem, quam proxime supra malleolos factam, qua de re infra locus erit, ubi fusus disseratur. In universum statuere potuerimus, quanto majoris voluminis sit membrum, tanto periculorius esse amputationem, quam sententiam si veram putaveris, amputationi supramalleolari etiam hoc respectu priores referendas fuerint.

Inde, quod ad dolorum, utraque methodo conjunctorum, vehementiam spectat, ea de re, quem ab diversa aegrotorum indole dependeat, nihil pro certo statuere possumus. Verumtamen neutrum sumendum est, amputationem supramalleolarem plus ciere doloris, quam alteram infra genu institutam. E contrario, si sanationis diuturnitatem contemplamur, non possumus, quin amputationem supramalleolarem potiorem dicamus, si modo ab affectibus adversis, eam sequentibus, discesserimus. Qui affectus si quando ingruerint, per se intelligitur, cicatricis formationem multo longius extrahi, quae causa est gravissima, cur eeterae hujus methodi praestantiae tam saepe ratio non sit habita. At Tavignot⁴⁾, ut alios omissam, in universum testatur affirmari posse, processum

1) Schmidt's Jahrbücher 1843 fasc. 2.

2) Gazette médicale de Paris Nr. 33. 1840.

1) Encyclographie médicale Nov. 1845.

2) I. c.

formanda cicatricis plerumque triplo esse breviorem, quam in operationibus aliis.

Ad facilitatem utendi quod spectat, amputationem supramallearem potius difficultiorem, quam expeditiorem esse censuerim. Quamquam enim non defuerunt, qui contraria opinione defendent, tamen, ut equidem existimo, incisio circularis difficultior est lobulari tendinesque difficilius quam musculi dissecantur. Verum tamen, quantum temporis sic desperditur, tantum postea vulnera marginibus celerius coeuntibus proficitur. Ultimum, idque gravissimum, in iudicacione nostra momentum inde dependet, utrum trunca, in utraque amputatione relictus, membro artificiali commode gerendo sit aptus, nec ne? Grallae post amputationes infra genu factas usitatae fini ipsi proposito fere acque satisfaciunt, quam membrum articulationis genit anchylosi laborans. Longe alia est rei conditio in pedibus artificialibus, qui recentissimo tempore tantopere emendati atque perfecti sunt, post amputationem supramallearem utendis. Hac enim methodo articulationis genit functiones non turbantur caligaque artificialis articulationis pedis vice tam bene fungitur, ut in incessu hominis illa utentis nihil insoliti animadvertisatur.

Ceterum hic ipse pes artificialis, quo amputatio supramallearis summa adipectit dignitatem, omnibus chirurgis, qui illam methodum rursus in artis usum inducere studuerunt, ad hanc diem erat obstaculo. Caliga artificialis enim, quem Martin parat, ni me omnia fallunt, quingentia francis constat, quantam quidem pecuniae summam, perpaucis sunt; qui pro una caliga persolvere queant. Accedit, quod eas adverso plerumque ii, qui pedibus maxime utuntur, eos perdunt, qui tamen multo pauperiores esse solent, quam qui auxilia cosmistica aliisque commoda caligis artificialibus allata erunt. Quum autem quotannis tum publice tum a doctorum societatibus praemia soleant eis proponi, qui rem aliquam communis utilitatis pertractent, equidem aptissimum crediderim futurum esse, si quando, ut virorum in fabricandis instrumentis chirurgicis versatorum acumen excitetur, praemium grande ei prorūnatur, qui apparatus quam minimi pretii excoxitaverit, qui codem modo, quo Martinianus, pedis defectum compensare valeat.

Ultimum, quod attulimus, opprobrium jure ac merito amputationi supramalleolari objectari potest. Alterum autem quod ei criminis veritatur, in eo consistit, quod, quemadmodum in primo dissertationis capite docuimus, infiltrationes puris cutisque gangraena in amputatione supramalleolari saepius observari solent,

quam amputatione cruris infra genu facta. Quae mala quo modo usitata incisione circulari et lobolari provocentur necesse sit, Lenoir demonstravit.

Quatenus autem ipsius methodo, cuius usum finemque propositum supra descripsimus, quamque Tavignot dicit aëmodum esse rationalem cuti quam plurimum telae cellulosa nutritius conservando ideoque virorum practice artem medicam coalentium attentione dignissimam videri, haec incommoda praecavere atque evitare possit, id tum demum eo, quo aequum est, modo examinare lebit, si casus amputationis ad hanc methodum factae, quos vehementer doleo perpaucos mihi innotuisse, diligentius perlustrare studuerimus.

In nostro nosocomio *semel* tantummodo crus secundum methodum hauc amputatum est idque in trienis superioris fine; quem quidem casum jam antea inter croris amputationes secundum memoravimus. Quo casu, quam aegrotus cacheecticus viribus admodum confectis esset, vulnus tardissime consanuit, nullis tamen affectibus insuffisit exortis. Michaux¹⁾ eadem methodo *quinquis* usus optimum semper eventum nactus est, quamquam rerum conditionibus, quae aderant, perquam adversis. Juveni, cuius ambo pedes, typho praegresso, gangraena affecti erant, utrumque crus in triente inferiore ablatum est, quo facto vulnus brevi tempore sanatum esset, Michaux juvenem, duobus pedibus artificialibus, quos Bonneels Bruxellis fabricaverat, instructum, medicorum consensu in urbe illa habito, produxit. Optime ille incedere potuit. Casus alter, quem ipse vir doctus plurimi habet, ad fabrum murarium pertinet, qui quin in orbita ferre laesus esset, praeter cruris amputationem etiam brachio exarticulato, brevi tempore pede artificiali optime incedere potuit.

Duos casus amputationis professor Adelmann secundum methodum el^t Lenoir factas mecum communicavit, quos casus viro docto oblata est occasio observandi. Quorum casum priore Margaretha Banf, annorum 52, die m. Octob. 23 a. 1840 in chirurgicum universitatis Marburgensis nosocomium recepta, carie laborabat, quae utramque ossium tarsalium scierim nec non faciem cartilaginem articulationis tibiae afficerat. Aegrota, quae sat conspicua, febris hecticas vestigia prae se ferbat, acerrimos conquecabantur dolores. Quum ob febris exoptabile videretur, superficiem vulneris

quam minimam fieri in extremitate affecta auferenda, ne exorta suppuratione status hecticus augeretur, methodus clⁱ Lenoir, quae tunc primum innotuerat, ceteris omnibus praelata quam diligenter sime secundum viri docti praecceptum adhibita est, eo tamen observato discernime, quod et superiori vulneris angulo nonnullae applicatae sunt suturas nodosae et setaceum, quod Lenoir ad vulneris eavum applicari jubet, omisum est. Vulnere suppuratio exigua hebdomadum 3 spatio sanato, agrota, *valetudine* restituta, e nosocomio dimitti potuit.

Henricus Kress, annos 20 natus, constitutione corporis, ut videbatur, robusta, sed habitu scrophuloso anno 1848 m. Martii d. 14 in nosocomio provinciale Fuldense receptus cariosa articulationis pedis degeneratione aegrotabat, exorta illa quidem ex inflammatione, quae ob causam traumaticam exstiterat, neglecta. Quo casu quum ductus fistulares etiam ad malleolum internum pertinarent, amputatio unicum erat refugium, que sequelas noxias a corpore aegroti averterentur. Hie quoque methodus clⁱ Lenoir in usum vocata est, eo tamen discernime intercedente, quod non supra malleolum, sed aliquot pollicibus infra medianam cruris partem amputatio facta; hic quoque tum suturae applicatae, tum setacei, a Lenoir commendati, usus omisus. Quamquam suppuratio et propter majorem vulneris superficiem, et propter muscularorum distractorum multitudinem satis gravis erat, tamen, quum nullo praeterea infarto symptomate sanatio turbaretur, medio mense Mayo aegrotus, sanitate recepta, nosocomio excessit.

Ex quibus casibus, quamquam perpauci, hoc tamen eluet, amputationis methodum a Lenoir inventam fini proposito omnino respondere, praesertim phænomena periculosa, quae amputationem supramalleolarem antea adhibitam persaepe sequebantur, in primis gangraenam purisque in suram infiltrationem, praecavendo. Laetissimo successu illi maxime excellit casus, quo, teste Michaux, aegrotus, utroque pede amputato, opa caligaram artificialium optime meare potuit. Quae quum ita sint, quamvis methodus illa, utpote quae ceteris amputationis supramalleolaris commodis hoc quoque adjungit, quod trunci sanatio plerumque brevissimo tempore efficitur, nullis affectibus perniciosis comitata, sane digna sit, quae ubique per vulgetur, tamen, quemadmodum supra jam admonuimus, magnum pretium, quo apparatus artificialis pedis vice fengens constat, maximo est impedimento, quominus semper in usum convertatur.

Quod autem ad methodi clⁱ Lenoir in aliis membris usum attinet, eam eodem successu in antibrachio adhiberi posse arbitri-

tror. In parte superiore incisioni monolobulari palma est ferenda; in triente inferiore plerumque incisio circularis duplex facta est, in qua tamen paucae partes molles servantur, quoniam duobus ossibus, ne illae rite retrahantur, impeditur. — Quod incommodum hic quoque methodo clⁱ Lenoir tollitur, utpote qua incisio perpendicularis optimè in cristam radii seu ulnae fiat, cetera operationis parte pariter atque in cruris amputatione peracta.

Hoc semestri in nosocomio nostro antibrachium secundum methodum dictam amputatum est. Aegrotus senex erat fere 60 annorum, enjus dorsum manus nucus cancerosum obtinebat, Jane ad antibrachium porrectum. In interna articulationis cubiti parte magna aderat glandula lymphatica infiltrata. Antibrachio in parte media amputato, glandulaque extirpata, eventus tamen handquaque prosper erat, radio cutem obtegentem, postquam sanatio jam facta est, perrumpente atque foras prominente. Nihilo secus hebdomadum 7 spatio, vulnere cicatrix obducto, truncus optimam formam prae se tulit. Neque tamen amputatione aegroto multum adlatum est auxili, quum in axilla multis iisque magnis glandulis, quae in eo erant, ut emollescerent, relictis, brevi mors sequeretur.

Michel¹⁾ etiam auctor existit, ut quibusdam in casibus amputatio supramalleolaris exarticulatiō mediotoriae a Chopart prolatae anteferatur. Cujus operationis commoda in eo consistunt, quod servatis astragalo et calcaneo cruris longitudo normalis haud minuitur atque calx mobilis permanens, si aegrotus bacillo nititur, stando meandoque inservit. Vir doctus tamen in morbis organicis secundi ordinis ossium tarsalium amputationem supramalleolarem praestare judicat, talibus rationibus ductus. Amputationem illam, quod superficies vulneraria minor sit, minus periculi movere asserit, ex casibus 97 octogies septies sanatione secuta, dum ex aeg. rotis 8, in quibus secundum methodum Chopartianum operatio facta sit, 5 in vivis manserat.

Itaque rationem, quae casibus prosperis cum adversis intercedat, in priore operatione talem inveniri ait 40:1, in hac talem 3:1. Praeterea, id quod haud abnūris, sanationem post amputationem supramalleolarem celerius fieri contendit. Deinde Michel, methodo Chopartianam adhibita, calcem affirmat sursum trahi, qua re, si crure utaris, cicatrix irritetur atque tumores abscessusque oriuntur. Quod autem calx sursum trahitur, eo evenit, quoniam m. tibialis anticus et peroneus brevis, loco insertionis amissi, muscularis surae non

amplius reniti possunt. Ceterum auctore Velpeau¹⁾ musc. surae non ab causam allatam praevalent, sed eo, quod rectis, quem pes officiat, post operationem modo unum brachium relinquatur. Quod vero haec calcis retractio a nonnullis chirurgis omnino non, ab aliis perquam exigua est observata, ea fortasse idcirco non animadversa est, quod deinceps, pluribus exactis mensibus, orta fuit. Quod malum si quando ingruit, unicum, quo exarticulatio metatarsia praestat, commodum tollitur, trunco ad meandum omnino inutili. Qua de cause etiamsi amputatio supramalleolaris revera antecellere credatur, tamen, priusquam hujus operationis eventus secundissimi omni exinantr dubitatione, sane lubricum est atque periculosum a principio illo discedere, quo in amputationibus quam plurimum membra aegroto servari jubetur.

2) Nouveaux éléments de médecine opératoire. T. II. Paris 1839.

THESES.

- 1) In operatione phimoseos incisio simplex aspernanda est.
 - 2) Ulceribus syphiliticis primariis lapide infernali contrectatis diagnosis morbi fieri nequit.
 - 3) Simplicissima partus praematuri artificialis provocandi methodus catheteris in os uteri immissio est.
 - 4) In morbis febrilibus salutatio mercurii usu effecta signum faustum est.
 - 5) Ex morborum historiis medicus plares fractus carpere potest, quam ex aliis discendi rationibus.
 - 6) Ratio materiae medicae nimis arctis limitibus coactrandae improbanda.
-

Conspectus chronologicus amputationum duodecim annis factarum.

N. An-nus.	Quis secuit?	Membra amputata.	Secundum quam metho-dum?	Morbi genus?	Sanatio.	Mors.	Mortis cau-sa.
1 1841	Prof. Adelmann	crus	sec. Lenoir	caries	p. 5 menses		
2 1841	Prof. Adelmann	femur	» Dupuytren	fungus artic. genus	p. 6 hebdom.		
3 1843	Stud. Mebes	crus	» Textor	ulcera neglecta	p. 8 hebdom.		
4 1843	Prof. Adelmann	humerus	» Dupuytren	fractura commin.	p. 2 hebdom.		
5 1843	Prof. Adelmann	crus	» Textor	osteospongiosis	p. 9 hebdom.		
6 1843	Prof. Adelmann	os metatarsi I	» Scoutetten	caries	p. 6 hebdom.		
7 1844	Prof. Adelmann	ossa metatarsi	amp. bilobularis sec.	Velpau	osteospongiosis	p. 7 hebdom.	
8 1844	Prof. Adelmann	crus	sec. Textor	gangraena ex typho	p. 9 hebdom.		
9 1844	Prof. Adelmann	femur	» Petit	Degeneratio cavernosa post fracturam		p. 15 dies	Pyaemia.
10 1844	Dr. Mebes	os metacarpi IV	» Zang	enchondroma	p. 4 hebdom.		
11 1844	Dr. Roth	os metacarpi III	» Zang	gangr. ex laesione	p. 2 hebdom.		
12 1845	Prof. Adelmann	crus	» Textor	gangr. ex typho	p. 13 hebdom.		
13 1846	Stud. Schlüsser	{ crus	amp. bilobularis	gangr. ex typho	p. 5 menses		
		femur	sec. Petit	gangr. ex typho	p. 8 hebdom.		
14 1846	Stud. Roth	crus	» Textor	gangr. ex typho	p. 4 menses, exar-		
15 1846	Stud. Igelberg	dig. III pedis	amp. lobularis	gangr. ex congelat.	tiatione spontanea totius pha-		
					langis orta.		
16 1846	Stud. Hugenberger	antibrachium	sec. Petit	caries	p. 4 hebdom.		
17 1846	Stud. Schroeder	humerus	» Petit	carcin. medull.	p. 3½ menses		
18 1846	Prof. Carus	crus	» Petit	ulcera leprosa	p. 9 hebdom.		
19 1846	Stud. Roth	humerus	» Petit	fractura commin.	p. 8 hebdom.		
20 1846	Prof. Carus	femur	amp. circularis sec. Rust et Langenbeck	fungus haemat.	p. 3 menses		
				caries artic. genus	p. 10 dies	Pyaemia.	
21 1847	Stud. Hehn	femur	sec. Dupuytren	ulcera leprosa	p. 3 menses		
22 1847	Stud. Plaskowski	crus	» Textor	enchondroma	p. 2 hebdom.		
23 1847	Stud. Wagner	os metacarpi IV	» Zang	fractura commin.		p. 6 dies	Tetanus.
24 1849	Stud. Holtermann	crus	» Textor				
25 1849	Dr. Kortmann	pes	exarticulatio sec. Garen-	tumor fibrosus	p. 8 hebdom.		
			geot cum amputacione	ulcera atonica	p. 2½ menses		
			oss. cuneiform. I.	combustio	p. 1 diem	Tetanus.	
26 1849	Prof. Adelmann	crus	sec. sect. obliqu. Blasii	carcinoma	p. 15 dies	prostratio	
27 1849	Prof. Adelmann	humerus	sec. Dupuytren	phlegm. digit. IV	p. 8 dies	virium.	
28 1849	Grube	humerus	» Dupuytren	fractura commin.	p. 6 hebdom.		
29 1849	Prof. Adelmann	os metacarpi IV	» Zang	caries et necrosis	p. 3 menses		
30 1849	Grube	humerus	amp. circul. sec. Rust et Langenbeck	gangr. ex typho	p. 6 hebdom.		
				vulnus contusum	p. 6 dies	Pyaemia.	
31 1850	Stud. Hunnius	crus	sec. Textor	genus	p. 6 hebdom.		
32 1850	Stud. Strauch	crus	» Petit	caries pedis	p. 14 dies	Prostratio	
33 1850	Grube	femur		ulcus pedis		virium.	
				caries			
34 1850	Prof. Carus	crus		caries	p. 5 hebdom.		
35 1850	Prof. Carus	ossa metatarsi	sectio bilobularis sec.	Blasii	p. 2 menses		
			Langenbeck				
36 1851	Stud. Dieberg	humerus	sec. Dupuytren	section. obliquam			
37 1851	Prof. Adelmann	humerus	» Dupuytren				
38 1851	Prof. Adelmann	crus	» section. obliquam				
			Blasii				
39 1851	Prof. Adelmann	humerus	sec. Textor				
40 1851	Stud. Krause	femur	» Dupuytren	gangr. ex typho	p. 6 menses		
				fractur. commin.	p. 2 menses		
41 1851	Dr. Bock	os metacarpi III	» Zang	arthrophlogosis sy-	p. 4 hebdom.		
42 1852	Pabo	crus	» Textor	novialis	p. 3 hebdom.	Prostratio	
43 1853	Prof. Adelmann	os metatarsi I	sectio ovularis sec.	contusio digit. III	p. 5 hebd.	virium.	
			Scoutetten	caries	p. 20 dies	Tuberculosis.	